

說文解字義證

說文解字弟五

義證弟十五

曲阜桂馥學

△

三合也從人一象三合之形凡△之屬皆從△讀若

集

秦入切

三合也者本書糾繩三合也讀若集者書允征辰弗集于房傳云集合也馥案北人呼市爲集所謂合市也

△

合口也從△從口

侯閣切

合口也者言兩口對合也漢書律歷志合倫爲合謂兩倫之口相合爲一合

△

皆也從△從卽從从虞書曰兪曰伯夷

七廉切

皆也者釋詁文本書咸皆也鄭注周禮案人云咸猶兪也方言兪皆也自山而東五國之郊曰兪又云兪夥也注云兪者同故爲夥小爾雅廣言兪同也从卽從从者五經文字卽音喧徐鍇曰从相從也馥謂衆口從之虞書曰

僉曰伯夷者舜典文堯典僉曰於鯀  
哉傳云僉皆也史記作皆曰鯀可

𠂔

思也從亼從𠂔

力屯切

思也者廣雅同或借論詩靈臺於論  
鼓鐘傳云論思也箋云論之言倫也

𠂔

籀文倫

本書刪古文作倫籀籀文作  
籀此倫亦當作倫今從竹誤

𠂔

是時也從亼從𠂔古文及

居音切

釋詁肆故今也詩肆肆不殄厥愠傳云肆  
故今也即肆皇天弗尚箋云肆故今也

是時也者孟子及是時墨子經篇始當時也  
時故今為是時從亼古文及者本書金從今張有謂

當作亼案本書金從  
並作亼市從及作亼

𠂔

市居曰舍從亼中象屋也口象築也

始夜切

釋名舍於中舍息也 急就篇室宅廬舍樓殿堂顏注舍謂人於其中舍息也 周書大聚解五里有郊十里有井二十里有舍 李善注郭璞游仙詩引淮南子注二十八宿一宿爲一舍 匡謬正俗舍字訓止訓息也人舍屋及星辰次舍其義皆同 論語云逝者如斯夫不舍晝夜謂曉夕不止息耳莊周云百舍重趂謂枉道多止息耳今人皆不言舍盡改音捨違義借讀於理僻謬

市居曰舍者御覽引作市居曰稅舍周禮廛人掌斂廛布注云廛布者貨賄諸物邸舍之稅又同市以次敘分地而經市注云次謂吏所治舍 中象屋也口象築也者徐鍇曰公衆集也中立柱栢稅之形口音園會意複築本書高從口口與倉舍同意倉從口象倉形又同從口象國邑

文六 重一

會

合也從亼從曾省曾益也凡會之屬皆從會

黃外切

合也者釋詁文本書倣合會也同合會也燕禮注云飲酒以合會爲歡也詩林杜會言近止箋云會合也聘禮會諸

其幣注云會合也王制不能五十里者不合于天子注云合會也通鑑江智淵素恬雅漸不會旨注云會合也六書故周官司會以歲會考歲成謂會合而計之也從會省會益也者本書證加也話會合善言也善言謂巧言話古文作論詩青蠅構我二人箋云構合也桓十六年左傳宣姜與公子朔構急于後漢書隗囂傳勿用旁人解構之言馥謂會合者誣加構合也

古文會如此

𡗗

益也從會卑聲

符支切

益也者本書卑增也增益也裨接益也俾益也

𡗗

辰會日月合宿為辰從會從辰辰亦聲

植鄰切

日月合宿為辰者辰廣韻類篇集韻通志並引作曆宿謂二十人宿釋名宿宿也星各止宿其處也顏氏家訓歸心篇一宿首尾相去數萬黃裳天文圖十二次日月所會元陽至陬訾皇侃注月令正月建寅日月會辰在亥故耕用

亥也詩綢繆箋云心星爲二月之合宿大衍星分圖五月  
午日月會於鶉首六月未日月會於鶉火八月酉日月會  
於壽星御覽引左傳舊注臘祭名也日月會於龍尾百物  
備合因於是祭羣神也鄭注月令孟春者日月會於龍尾  
而斗建寅之辰也仲春者日月會於降婁而斗建卯之辰  
也季春者日月會於大梁而斗建辰之辰也孟夏者日月  
會於實沈而斗建巳之辰也仲夏者日月會於鶉首而斗  
建午之辰也季夏者日月會於鶉火而斗建未之辰也孟  
秋者日月會於鶉尾而斗建申之辰也仲秋者日月會於  
壽星而斗建酉之辰也季秋者日月會於大火而斗建戌  
之辰也孟冬者日月會於析木之津而斗建亥之辰也仲  
冬者日月會於星紀而斗建子之辰也季冬者日月會於  
元枵而斗建丑之辰也易繫辭大衍之數五十京房云謂  
十日十二辰二十八宿也又範園天地之化而不過九家  
云言乾坤消息法周天地而不過于十二辰也辰日月所  
會之宿謂誼訾降婁大梁實沈鶉首鶉火龍尾壽星大火  
析木星紀元枵之屬是也書堯典歷象日月星辰傳云辰  
日月所會正義云日月所會者昭七年左傳土文伯對晉  
侯之辭也日行遲月行疾每月之朔月行及日而與之會  
其必在宿分二十八宿是日月所會之處辰時也集會有

時故謂之辰洪範四五紀四曰星辰馬云辰日月之所會也王云辰者十二月之會次正義辰謂日月別行會於宿度從子至丑為十二辰又云月令孟春日在營室仲春日在奎季春日在胃孟夏日在畢仲夏日在東井季夏日在柳孟秋日在翼仲秋日在奎女十二會以為十二辰辰即子丑寅卯之謂也十二辰所以紀日月之會處也允征乃季秋月朔辰弗集于房傳云辰日月所會房所舍之次集合也周禮大宗伯以實柴祀日月星辰注云辰謂日月所會十二次疏云辰即二十八星也又云二十八星而有七不當日月之會直謂之星若日月所會則謂之宿謂之辰謂之次亦謂之房故尚書允征云辰弗集于房孔注云房日月所會是也保章氏掌天星以志星辰日月之變動注云辰日月所會馮相氏掌十有二歲十有二月十有二辰合此歲日月星辰宿五者以為時事之候疏云二十八星者東方角亢氐房心尾箕北方斗牛之等為二十八星也若指星體而言謂之星日月會於其星即名宿亦名辰亦名房考工記轉人輪輻三十以象日月也蓋弓二十有八以象星也注云日月三十日而合宿倍五年左傳丙之晨龍

尾伏辰注云龍尾尾星也日月之會曰辰昭七年傳公曰何謂六物對曰歲時日月星辰是謂也公曰多語寡人辰而莫同何謂辰對曰日月之會是謂辰服云辰十二辰也杜云一歲日月十二會所會謂之辰昭十七年傳日過分而未至三辰有災杜云三辰日月星也日月相侵又犯是宿故三辰皆為災李善注宣德皇后令引周書王曰余不知九星之光周公旦曰九星星辰日月四時歲是謂九星周書周月解日月俱起于牽牛之初右回而行月周天進一次而與日合宿日行月一次而周天歷舍于十有二辰終則復始是謂日月權輿楊冠子天則篇日不踰辰月宿其列陸佃注日月所會為辰漢書藝文志歷譜者序四時之位正分至之節會日月五星之辰以考寒暑殺生之實魏書術藝傳殷紹上四序堪輿表曰第三叔序明日月辰宿交會相生相為表裏鄭注堯典六宗云辰謂日月所會十二次也馥業問月無所會故王肅曰斗之所建是為中氣日月所建斗指兩辰之間無中氣故以為閏也辰亦替者當為辰替

文三 重一



倉

穀藏也倉黃取而藏之故謂之倉從倉省口象倉形

凡倉之屬皆從倉

七岡切

本書謂之困方謂之京廣雅京倉也高注

秦策及呂氏春秋仲秋紀並云圓曰困方曰倉

穀藏也者本書無藏字一切經音義七藏穀曰倉藏米曰

廩釋名倉藏也藏穀物也越語府倉實注云米粟曰倉荀

子富國篇垣節倉廩者財之末也注云穀藏曰倉米藏曰

廩淮南精神訓今賴人敖倉高云倉藏穀也倉黃取而

藏之故謂之倉者倉藏聲相近倉黃當為蒼黃徐鍇曰穀

孰色蒼黃也從倉省者篆文當作倉△下有直畫口

象倉形者本書倉下云口象築

也高下云從口與倉舍同意

倉 奇字倉

莊君述祖曰逸周書羅匡

篇企不滿望企當作企

奇字者本書敘云甄豐改定古文時

有六書二曰奇字即古文而異者也

倉

鳥獸來倉聲也從倉月聲虞書曰鳥獸膾膾

七羊切

鳥獸來倉聲也者書釋文引作鳥獸來倉聲王篇膾膾鳥獸來倉穀聲或作膾集韻膾鳥倉也虞書曰鳥獸膾膾者益稷文彼作踰踰鄭注周禮大司樂引虞書作膾膾

文二 重一

人

內也象從上俱下也凡入之屬皆從入

人汁切

內

入也從冂自外而入也

奴對切

內也者釋名入納也納使還也書納于大麓論衡感類篇作舜入大麓周禮媒氏凡嫁子娶妻入幣純帛無過五兩注訓為納幣史記楚世家靈王於是獨倚俚山中野人莫敢入王魏世家商君臣秦歸魏魏怒不入

入也者廣雅字書竝同本書納水相入也堯典寅饒納日傳云日入言送詩十月納禾稼箋云納內也周禮天官敘官職內注云職內主入也鐘師納夏注云故書納作內大戴禮禮三本篇廟之未納尸也荀子禮論篇作入尸史記

說文解字義證 卷十五

五 通鑑後漢書 靈石楊氏采

作內尸月令無不務內注云內謂收斂入之呂氏春秋作  
務入淮南時則訓令樹人入材葦月令作納財葦文十四  
年公羊傳納者何入辭也成十四年左傳衛定公卒夫人  
姜氏見太子之不哀也不內酌飲襄九年傳以出內火漢  
書引作出入書九江內錫大龜史記作入錫從口自外  
而入也者春秋隱二年莒人入句左傳造其國都曰入注  
云入者逆而不順非王命而入人國也檀弓孟獻子禮  
比御而不入注言雖比次婦人之當御者猶不入寢也



入山之深也從山從入闕鉏箴切

入山之深也者 入深聲相近



市穀也從人從糴徒歷切

漢書食貨志糴甚 貴傷民甚賤傷農

市穀也者王篇糴入米也廣雅糴買也莊二十八年公羊  
傳告糴者何請糴也何云買穀曰糴魯語君盍以名器請  
糴於齊韋云 市穀曰糴

人 工

完也從入從工

疾緣切

完也者廣雅同本書完全也墨子辭過篇其為舟車也全固輕利可以任重致遠蓋謂全固即完固

人 王

篆文全從玉純玉曰全

純玉曰全者本書璚天子用全純玉也考工記玉人之事天子用全注云元謂全純玉也本書璚從全云牛純色

金 𠂔

古文全

汗簡作𠂔 屬抄部

从 二

入也兩從此闕

良獎切

文六

重二

缶

瓦器所以盛酒漿秦人鼓之以節詠象形凡缶之屬

皆從缶

方九切

靈石楊氏

瓦器者釋器蓋謂之缶孫炎云缶瓦器顏注漢書缶即今

之盆類也所以盛酒勝者風俗通引同易坎卦六四尊

酒簋貳用缶禮器五獻之尊門外缶韓非外儲說瓦器至

賤也不漏可以盛酒秦人鼓之以節諱者鼓當為鼓風

俗通聲音篇作鼓史記廉頗藺相如列傳趙王竊聞秦王

善為秦聲請奉盆缶秦王以相娛樂樂器本用缶易離卦不鼓

缶而歌鄭注詩云坎其擊缶則樂器亦有缶淮南說林訓

冠自鼓缶鹽鐵論散不足篇往者民閒酒會各以黨俗彈

箏鼓缶而已中論治學篇夫聽黃鐘之聲然後知擊缶之

細樂府雜錄唐太初中有調音律官大興縣丞郭道源善

擊缶用越甌邢昺共一十二旋加

減以筋擊之其音韻妙於方響

缶

未燒瓦器也從缶散聲讀若甯同

苦候切

讀若甯草同者散草聲相近草甯中衣也漢書中山靖王

傳今羣臣非有葭草之親張晏曰葭蘆也顏注草者蘆甯

中白皮至

湯者也



瓦器也從缶包省聲古者昆吾作陶案史篇讀與缶

同徒刀切

太書甄詞也窯燒瓦竈也攻陶竈竈也陶當為制廣雅制  
窯也皆頴篇制作瓦家也商子畫策篇若治於金匄於  
土也通作陶考工記有虞氏上陶注云舜至賈陶器  
子四儀篇舜之方陶尙書大傳舜陶于河濱淮南兵略訓今  
使陶人化而為埴則不能成盆盎說山訓營猶陶人為器也  
探掘其土而不益厚破乃愈疾漢書賈誼傳大鈞播物如淳  
曰陶者作器於土此以造化為大鈞也顏注今造瓦者謂  
所轉者為鈞言造化為人亦猶陶之造瓦耳鹽鐵論散不足  
篇庶人器用即行柳陶瓠而巳續漢書董卓曰佳陵南山下  
有孝武故陶處作磚瓦一朝可辨列仙傳陶安公者六安治  
也

瓦器也者詩絲正義引作瓦器竈也字林制作瓦器者也  
下篇陶作瓦器也孟子萬室之國一人陶注云使一人陶  
瓦器淮南時則訓陶器必良高云陶器瓦器史記鄒陽傳  
獨化於陶鈞之上索隱云韋昭曰陶燒瓦之竈馬注周書  
見之羣云義登陶之

梓材云治土器曰陶 古者昆吾作陶者本書靈下云昆  
 吾圖器也尸子夏桀臣昆吾陶一切經晉義十四舜始為陶於河  
 氏春秋君守篇昆吾陶更增加也襄十七年左傳衛侯夢于  
 濱世本云夏臣昆吾之觀杜注衛有觀在古昆吾之虛今濮  
 陽城中括地志濮陽縣古昆吾國故城在縣西三十里昆  
 吾臺在縣西百步嶺帝城內周回五十步高二丈即昆吾  
 虛也 案史篇讀與衛同者水經濟水注陶邱墨子以為  
 釜邱竹書紀年魏襄王十九年薛侯來會王于釜邱者也

鼎

缶也從缶鼎聲

切

缶也者御覽引作甌也急就篇甌甌取甌甌顏注甌  
 甄之大腹者也廣雅甌甌也漢書韓信傳以木甌缶渡軍  
 顏注甌甌謂甌之大腹小口者也蘇武傳賜武馬畜服甌  
 甌甌孟康曰服甌如甌小口大腹方底用受酒酪晉灼曰  
 河東北界人呼小石甌受二斗所曰服甌通作嬰西山經  
 嬰以百珪百璧注云嬰即古甌字謂孟也徐州云穆天子  
 傳曰黃金之嬰之屬也又通作甌方言甌陳魏宋楚之閒  
 曰甌或曰甌燕之東北朝鮮洌水之閒謂之甌齊之東北

番

小口罌也從缶來聲

切地  
偽

小口罌也者通作甌廣雅甌甌也急就篇甌缶盆甌甌甌  
甌顏注甌小口罌也周禮凌人春始治鑑注云鑑如甌大  
口疏云漢時名爲甌卽今之甌是也

趙

小缶也從缶音聲

切蒲侯

小缶也者木書甗甗也方言  
缶謂之甗甗郭注卽盆也

辭

𨾏也從缶并聲

切薄經

甕也者本書甕汲甕也廣韻甕汲水器也集韻北燕謂甕  
爲甕甕受一斗方言缶謂之甕甕其小者謂之甕定三年  
左傳閭以甕水沃廷士喪禮新盆槃甕注云甕以汲水也  
漢書陳遵傳觀甕之居居井之睂處高臨深動常近危



𦉳

餅或從瓦

𦉳

汲餅也從缶離聲

烏貢切

汲餅也者易釋文引同本書井下云。餅之象也方言磨謂之餐廣雅離餅也急就篇璧碧珠璣玫瑰藥顏注磨汲餅也易井甃敝漏又訖至亦未繙井甃其瓶因比有孚盈缶鄭注云爰辰在末上值東井井之水人所汲用缶汲器襄九年左傳具綆缶杜云綆汲索缶汲器昭七年傳雖有挈餅之知注云挈餅汲者淮南子汜論訓古者抱甕而汲說苑反質篇衛有五丈夫俱負缶而人井灌韭終日一區或作甕漢書西域傳有大鳥卵如甕顏注甕汲水餅也莊子天地篇子貢過漢陰見一丈人方將為圃畦鑿隧而入井抱甕而出灌

𦉳

下平缶也從缶乏聲讀若尉

土益切

下平缶也者集韻類篇引作瓠也又云器中平也廣雅𦉳瓶也讀若易者徐鍇本作讀若甕引尉

𦉳

備火長頸餅也從缶炎省聲

烏莖切

備火長頸甒也者顏注漢書五行志引云備火今之長頸甒也廣雅甒甒也急就篇甒缶盆盎甒甒甒甒顏注甒長頸甒也廣雅甒甒九年左傳朱災  
備水器甒卽救火之水器

切下江

取也者集韻引作  
瓶也廣韻缸罌缸

切于通

切作甸

瓦器也者廣韻紡捶案卽紡專詩斯干載弄之瓦傳云瓦紡專也

切以周

瓦器也者廣雅甗瓶也方言甗甗也淮汝之間謂之甗 罔聲者甗罔聲相近本書願從罔讀若柔

切郎  
丁

瓦器也者廣雅編甌也  
玉篇編瓦器似甌有耳

𪔐

缺也從缶占聲都念切

缺也者本書𪔐缺也集韻說文𪔐缺也謂器之缺僖九年  
左傳引詩白圭之玷尚可磨也斯言之玷不可為也杜云  
言此言之缺難治甚於白圭郭林宗別傳  
嘗行陳梁開遇雨故其中一角玷而折

𪔐

器破也從缶洩省聲傾雪切

器破也者本書𪔐缺也易林甕破缶缺又云缺破不完殘  
際側偏玉篇缺亦作𪔐馥案崔鴻後燕錄慕容垂故名甕  
因墜馬傷前二齒改名𪔐外以慕郤𪔐為名內惡而改之  
尋以識記之文去史以垂為名 洩省聲者戴侗引唐本  
作𪔐 聲

𪔐

裂也從缶虍聲缶燒善裂也呼返切

裂也者廣雅同本書𪔐坼也坼裂也易解百果草木皆甲  
宅鄭注皆讀如人倦解之解解謂坼呼馥案呼火亞切即

磬字鬼谷子抵巇篇巇者磬也磬者磬也磬者磬也磬者磬也  
考工記凡陶瓦之事髣髴磬不入市注云磬破裂也  
也史記田敬仲完世家弓膠昔幹所以爲合也然而不能  
傳合疏磬蜀都賦磬栗磬發劉注磬發栗皮圻磬而發也  
缶燒善裂也者善讀如漢  
書岸善崩之善善猶多也

磬

器中空也從缶設聲設古文磬字詩云解之磬矣苦切

器中空也者爾雅釋文引作器中盡也釋詁磬盡也孫炎  
曰磬竭盡也詩天保磬無不宜傳云磬盡也樂記石磬  
磬以立辨注云磬當爲磬字之誤也設古文磬字有徐  
錯本無詩云解之磬矣者小雅蓼莪文傳云磬盡也木  
書室下引詩  
解之盡矣

磬

器中盡也從缶設聲苦計切

釋詁磬盡也

說文解字義證

卷十五

十

連筠移叢書

𠄎

受錢器也從𠄎后聲古以瓦今以竹

大口切又胡講切

𠄎斤移瓦深

受錢器也者西京雜記鄒長倩與公孫賢臣書撲滿者以土為器以蓄錢有人竅而無出竅滿則撲之史記酷吏傳投𠄎購告言姦集解云徐廣曰𠄎器名也如今之投書函中索隱云𠄎受投書之器入不可出漢書趙廣漢傳又教吏為𠄎筒及得投書削其主名顏注𠄎若今盛錢鐵瓶為小孔可入而不可出或𠄎或筒皆為此制而用受書令投於其中也古以瓦今以竹者𠄎瓦也筒竹也

文二十一

重一

𠄎

弓弩矢也從入象鏑梧羽之形古者夷牟初作矢凡

矢之屬皆從矢

式視切

本書苑下云吳古文矢字午下云此與矢同意釋名矢指也言其有所指向迅疾也又謂之箭箭進也其本曰足矢形似木木以下為本以根為足也

弓弩矢也者急就篇弓弩箭矢鎗兜鋒顏注以竹曰箭以  
木曰矢方言箭自關而東謂之矢孟子矢人注云矢箭也  
象鎗櫜羽之形者本書鎗矢鏃也櫜矢櫜築弦處釋名  
鎗敵也可以禦敵也齊人謂之鏃鏃族也言其所中皆族  
滅也關西曰鈺鈺鏃也言有交刃也其體曰幹言挺幹也  
其旁曰羽如鳥羽也鳥須羽而飛矢須羽而前也齊人曰  
衛所以導衛矢也其末曰括括會也與弦會也括旁曰義  
形似叉也穀案肅慎氏貢括矢銘其括鄉射禮矢在弓下  
北括又云弟子取矢北面委于楅北括家語子路初見  
篇子路曰南山有竹不揉自直斬而用之達於犀革孔子  
曰括而羽之鏃而櫜之其人之不益深乎古者夷牟初  
作矢者顏注急就篇古者夷牟作矢三蒼矢箭也古者夷  
牟初作矢郭注山海經引世本作牟夷玉篇亦作牟夷荀  
子解蔽篇浮游作矢注云世本夷牟作矢宋衷注云黃帝  
臣也此云浮游未詳或者浮游  
夷牟之別名或聲相近而誤耳

射

弓弩發於身而中於遠也從矢從身

會夜切

世本逢蒙作射顓臾武曰左傳成周宣榭火呂大臨考古圖  
邢敦銘曰王格于宣榭蓋宣王之廟也榭射堂之制也其文

說文解字義證 卷十五

工

通鑑卷一百一十五 靈石楊氏采

作射古射字執弓天以射之象因名其堂曰射後從木作榭其堂無室以便射事故凡無室者皆謂之榭榭有木者謂之榭后因人因加木為榭字六書故古有僕射之官御射者也

弓弩發於身而中於遠也者本書弓下云以近窮遠射義射求正諸己已正而后發又云射之為言釋也或曰舍也釋者各釋己之志也故心平體正持弓矢審固持弓矢審固則射中矣

射

篆文射從寸寸法度也亦手也

矯

揉箭箝也從矢喬聲

居天切

揉箭箝也者李籍注九章算術引同揉當為煉廣雅矯直也蒼頡篇矯正也漢書貢禹傳矯復古化顏注正曲曰矯嚴安傳矯箭控弦顏注矯正曲使直也通鑑中常侍黃皓用事厥瞻皆不能矯正注云揉曲使直曰矯魏志陳矯字季弼通作矯考工記弓人矯幹欲孰于火而無贏矯角欲孰于火而無燂荀子臣道篇矯然剛折端志而無傾側之心漢書武五子傳欲矯邪防非顏注矯正也矯與矯同諸侯王表橋枉過其正顏注正曲曰矯長笛賦矯揉斤械李

善引鄭注考工記揉謂以火槁也

榘案今考工記注作以火槁之

榘

雄射矢也從矢曾聲

作膝切

劉逵注蜀都賦候雁銜蘆云銜蘆以禦增繳令不得截其翼也淮南子曰雁銜蘆而翔以備增繳覆案說苑說叢篇銜蘆而翔以備增弋鵠鵠賦徙銜蘆以避繳抱朴子智禽銜蘆以避網慎子弩弱而增高者乘於風也四子講德論但縣曼增箭豉不能以射魯連子弦鐸相第而增矢得高焉

雄射矢也者本書雄繁射飛鳥也馥案雄所以取生鳥故用祭繳若腎故名矢曰增易林大雁列陣雌獨不羣為腎所牽歿於庖人廣雅增箭也一切經音義十一繳生絲縷也結繳於矢謂之增也鵠鵠賦負增纓繳李善云繳繫箭線也周禮司弓矢增矢第矢用諸弋射注云結繳於矢謂之增增高也第之言刺也二者皆可以弋飛鳥制羅之也又云田弋充籠籠矢共增矢注云增矢不在籠者為其相繞亂吳語白羽之增注云增矢名以白羽為衛楚詞九章增弋機而在上兮注云增繳別矢也呂氏春秋直諫篇宛路之增注云增弋射短矢淮南說山訓好弋者先具繳與



說文解字義證

卷十五

主

通鑑新義書

增史記留侯世家雖有增繳集解徐廣曰繳弋射也其矢  
日增索隱引馬融注周禮云增者繳繫短矢謂之增漢書  
司馬相如傳微增出熾繳施顏注增短矢也繳生絲縷也  
以繳系增仰射高鳥謂之弋射息夫躬傳增若浮姦顏注  
增弋射矢也貨殖傳增弋不施於侯隧顏注弋繳射也增  
者弋之矢也西京賦登豫章簡增紅蒲且發弋高鴻挂白  
鶴聯飛龍薛綜注繳射矢長八寸名增其絲名繳挂矢絲  
挂鳥上也後漢書班固傳御增繳注云增弋矢也繳以繫  
箭也馬融傳增落飛流注云增弋矢也通  
作繪三輔黃圖欲飛具繪繳以射鳧鴈



春響所𦞦侯也從人從厂象張布矢在其下天子𦞦

熊虎豹服猛也諸侯𦞦熊豕虎大夫𦞦麋麋或也士

𦞦鹿豕為田除害也其祝曰毋若不寧侯不朝於王

所故伉而𦞦女也

乎溝切

書益稷侯以明之傳云當行射侯之禮以明善惡之教詩  
賓之切筵大侯既抗弓矢斯張馬注周禮十尺曰侯四尺

曰鵠二尺曰正四寸曰質鄉射禮禮射不主皮注云主皮者無侯張獸皮而射之主於獲也天子大射張皮侯賓射張五采之侯燕射張獸侯大射儀司射西

春饗所射侯也者大射之皮侯也春饗者春將祭與諸侯大夫射取其賢者與其祭事也饗當為官寫者失之詩賓之初筵箋云射禮有三有大射有賓射有燕射鄭目錄云名曰大射者諸侯將有祭祀之事與其羣臣射以觀其禮數中者得與於祭不數中者不得與於祭射義故天子之大射謂之射侯射侯者為諸侯也射中則得為諸侯射不中則不得為諸侯注云大射將祭擇士之射也又云天子將祭必先射於澤澤者所以擇士也已射於澤而后射於射宮射中者得與於祭不中者不得與於祭考工記梓人張皮侯而棲鵠則春以功注云皮侯以皮所飾之侯司裘職曰王大射則共虎侯熊侯豹侯設其鵠謂此侯也春讀為蠢蠢作也出也天子將祭必與諸侯羣臣射以作其容體出其合於禮樂者與之事鬼神焉梓人為侯廣與崇方參分其廣而鵠居一焉注云惟大射以皮飾侯大射者將祭之射也其餘有賓射燕射從大射以皮飾

者小爾雅廣器射有張布謂之侯白虎通鄉射篇侯者以  
布爲之何布者用人事之始也本正則末正矣周禮射人  
王大射則以狸步張三侯大射儀大侯九十參七十千五  
十注云侯謂所射布也尊者射之以威不寧侯卑者射之  
以求爲侯楚詞大招昭質既設大侯張只注云侯謂所射  
布也王者當制服諸侯故名布爲侯而射之鄉射禮乃張  
侯注云侯謂所射布也又記云鄉侯上个五尋中十八侯  
道五十弓弓二寸以爲侯中倍中以爲躬倍躬以爲左右  
舌下舌半上舌注云上个象臂下个象足中人張臂入尺  
張足六尺五八四十五六三十以此爲衰也凡鄉侯用布  
十六丈數起侯道五十弓以計道七十弓之侯用布二十  
五丈二尺道九十弓之侯用布三十六丈天子射熊虎  
豹云云者泛說侯制不承春響言也白虎通云含文嘉曰  
天子射熊諸侯射麋大夫射虎豹士射鹿豕天子所以射  
熊何示服猛巧倭也熊爲獸猛巧者非但當服猛也示當  
服天下巧倭之臣也諸侯射麋者示達迷惑人也麋之言  
迷也大夫射虎豹者示服猛也士射鹿豕者示除害也各  
取德所能服也大夫士兩射者人臣示爲君親視事身勞  
苦也或曰臣陰故數偶也三禮射侯圖天子大射虎侯九  
十步諸侯熊侯七十步鄉大夫豹侯五十步畿內諸侯大

射君熊侯九十步卿大夫參侯七十步士豸侯五十步天子卿大夫射君臣共射一麋侯五十步諸侯卿大夫亦如之天子及諸侯之士皆無大射參侯者以豹皮爲鵠以麋皮爲飾參之爲言雜也豸侯者以胡犬皮爲鵠亦以爲飾又曰天子燕射熊侯諸侯卿大夫士虎豹侯諸侯燕射君亦熊侯卿大夫亦宜參侯士鹿豕卿大夫與其臣燕射君臣共射虎豹侯士燕射亦宜豹侯畫鹿豕周禮射人以射禮治射儀王以六耦射三侯諸侯以四耦射二侯孤卿大夫以三耦射一侯士以三耦射豸侯卿大夫以三耦射虎豹侯之皮示服猛也論語射不主皮馬融曰天子有特牲虎豹之皮示服猛也論語射不主皮馬融曰天子有三侯以熊虎豹皮爲之皇侃曰三獸之皮各爲一侯故有三侯也所以用此三獸者三獸雄猛今取射之示能伏服猛也天子大射張此三侯天子射猛虎諸侯射熊卿大夫射豹也大射儀大侯九十參七十千五十注云大侯熊侯謂之大者與天子熊侯同參讀爲慘慘維也維侯者豹鵠而麋飾于讀爲豸豸侯者豸鵠豸飾也疏云畿外諸侯亦得用三侯諸侯不得用虎侯而以熊侯慘侯豸侯爲三侯司裘王大射則共虎侯熊侯豹侯設其鵠諸侯則共熊侯豹侯卿大夫則共麋侯皆設其鵠注云侯者其所射也以

說文解字義證

卷十五

古

通鑑移書  
卷十五

虎熊豹麋之皮飾其側又方制之以爲章謂之鵠著于侯  
中所謂皮侯用虎熊豹麋之皮示服猛討迷惑者射者大  
禮故取義衆也鄉射記凡侯天子熊侯白質諸侯麋侯赤  
質大夫布侯畫以虎豹士布侯畫以鹿豕其祝曰云云  
者考工記梓人爲侯文彼云祭侯之禮以酒脯醢其辭曰  
惟若寧侯毋或若女不寧侯不屬於王所故抗而射女強  
飲強會詒女曾孫諸侯百福大戴禮投壺篇魯命弟子辭  
曰無荒無傲無倨立無喻言若是者有常爵嗟爾不寧侯  
爲爾不朝於王所故亢而射女強會曾孫諸侯百福  
史記封禪書長宏以方事周靈王諸侯莫朝周周力少長  
宏乃明鬼神事設射狸首注云狸首者諸侯之不來者大射儀  
樂正命大師曰奏狸首注云狸首逸詩曾孫也狸之言不  
來也其詩有射諸侯首不朝者之言因以名篇後世失之  
謂之曾孫白虎通所以名爲侯何明諸侯有不朝者則射  
之故禮射祝曰嗟爾不寧侯爾不朝於王所以故天下失  
業亢而射爾所以不射正身何君子重同類不忍射之故  
畫獸而射之史記封禪書設射狸首漢書郊祀志作設射  
不來徐廣曰狸一名不來鄭注大射儀狸之言不來也僖  
二十八年左傳  
公朝於王所

𠂔 古文侯

本書疾古文

從侯作𠂔

𠂔 傷也從矢易聲 式陽切

易聲者本書傷𠂔並從傷省聲此傷當作𠂔從矢從入易聲

短 有所長短以矢為正從矢豆聲 都管切

有所長短以矢為正者月令度有長短國語肅慎氏貢楛矢長尺有咫豆聲者短豆聲不相近聲字衍

𠂔 況也詞也從矢引省聲從矢取詞之所之如矢也 忍切

切

況也者釋言文彼作矧郭云警況書君奭矧曰其有能格鄭注況乃曰大雨謨矧茲有苗傳云矧況也仲虺之誥矧予之德傳云矧況也詩常棣矧伊人矣傳云矧況也抑矧可射思賓之初筵矧故多又箋並云矧況也詞也者當

連寄多聲皆

說文解字義詁 卷十五

五

靈石楊氏聚

云況詞也況下衍也字爾雅疏引作況辭從矢引省聲

也引省聲

知

詞也從口從矢陟高切

詞也者本書習識詞也識知也

矢

語已詞也從矢子已切

語已詞也者廣雅矣止也賈公彥曰在上謂之發聲在下謂之助句植弓勿之有悔焉耳矣徐鍇類聚矣者語已詞也詩曰何嗟及矣誰昔然矣語曰賓不顧矣皆事之決絕無奈何者也

文十 重二

高

崇也象臺觀高之形從口口與倉舍同意凡高之屬

皆從高古牢切

崇也者本書崇鬼高也釋詁崇高也象臺觀高之形者  
本書臺觀四方而高者從高省從口口與倉舍同意者  
本書倉下云口象倉  
形舍下云口象築也

高小堂也從高省同聲切去頤

同聲者文  
當為風

應高或從广頃

亭民所安定也亭有樓從高省丁聲切特丁

一切經音義入漢家因秦十里一亭亭置也漢書百官表  
大率十里一亭一鄉天下亭凡二萬九千六百三十五  
也漢官典職洛陽二十四街街一亭十二城門門一亭  
魏畧從長安至大秦人民連屬十里一亭白帖十里五里  
長亭短亭言十里一長亭五里一短亭東觀漢記衛尉為  
桂陽太守築山通路列亭置驛魏策卒成固方守亭障者  
參列漢書司馬相如傳亭皋千里靡不被築顏注為亭候  
於阜隰之中千里相接皆築令平也顧炎武曰秦制十里  
說文解字義證卷十五

去  
連筠移叢書



一亭十亭一鄉以今度之蓋必有居舍如今之公署鄭康成  
周禮遺人注曰若今亭有室矣故蒯陵尉止李廣宿亭下張  
禹奏請平陵肥牛亭部處上以賜禹徙亭宅所而漢書注云  
亭有兩卒一為亭父掌開閉埽除一為求盜掌逐捕盜賊是  
也又必有城池如今之村堡韓非子吳起為魏西河守秦有  
小亭臨境起攻亭一朝而拔之漢書息夫躬歸國未有第宅  
寄居邸亭姦人以為侯家富常夜守之匈奴傳見畜布野而  
無人牧者怪之乃攻亭後漢書公孫瓚傳卒逢鮮卑數百騎  
乃退入空亭是也又必有人民如

今之鎮集漢封功臣有亭侯是也  
民所安定也者亭定營相近本書蟬亭安也魯定息也讀  
若亭釋名亭停也亦人所停集也玉篇亭民所安定之為  
除害也歐韻增韻亭道路所舍史記高祖本紀為泗水亭  
長正義云國語有寓室即今之亭也韋昭雲陽賦入鄉九  
市亭候三六列樹表塗路有廬宿御覽一百九十四引風  
俗通謹案春秋國語置有寓望謂今亭也亭民所安定也  
漢家因秦大率十里一亭亭畱也今語有亭畱亭待蓋行  
旅宿會之所館也亭有樓者風俗通引同本書亭象城  
郭之重雨亭相對也顏注急就篇秦漢之制十里一亭亭  
有高楼可以候望周禮司市上旌于思次鄭注思次若今

市亭也鄭司農云次市中候樓也薛江西北賦旗亭市門樓也漢書甘延壽超踰羽林亭樓謝承後漢書蒼梧女子蘇娥行宿鵲巢亭亭長殺之取其財物埋置樓下北堂書抄七十九引益部耆舊傳王純為鄒令止宿樓亭夜半有女子稱冤曰妾潔令妻也過此亭亭長殺妾十餘口埋樓下風俗通汝陽西門有習武亭北部督郵到亭上樓宿魏書李崇傳郵置一樓樓置一鼓盜發之處雙槌亂擊會稽記有白樓亭

亭

京兆杜陵亭也從高省毛聲

切

京兆杜陵亭也者錢君大昕曰史記湯起於亳徐廣曰京兆杜縣有亳亭案殷本紀湯始居亳皇甫謐曰梁國穀熟為南亳湯所都也書立政有三亳說者以為湯始居南亳在宋州穀熟縣西南後徙西亳即河南偃師縣而景亳湯所盟地則宋州北五十里大蒙城是也三亳非一地要非京兆之亳亭明矣秦本紀寧公二年遣兵伐蕩社三年與亳戰亳王奔戎遂滅蕩社徐廣云蕩一作湯社一作杜皇甫謐以為亳王號湯西夷之國又云周桓王時自有亳王號湯非殷也封禪書於社亳有三社主之祠亦指此蓋京兆之亳乃戎王號湯者之邑而徐廣以為殷湯所起其不

然乎丁君杰曰說文解字毫京兆杜陵亭徐鍇繫傳乃云  
湯都毫杜預釋例在梁國蒙縣西北薄城中有湯冢凡三  
毫也與許慎語不相比附近日顧炎武撰日知錄直云許  
氏訓毫為京兆杜陵亭此地理之不合者也杰案書立政  
三毫竝在今河南省於禹貢為豫州之域外有二毫一在  
直隸北境舜分置幽州處春秋左氏傳昭公九年王使詹  
桓伯辭於晉曰肅慎燕毫吾北土是也一在陝西古雍州  
城見於史傳者非一今試舉而陳之史記殷本紀贊曰契  
為子姓其後分封以國為姓有北殷氏索隱曰北殷氏蓋  
秦寧公所伐毫王湯之後也秦本紀曰寧公二年公徙居  
平陽遣兵伐蕩社三年與毫戰毫王奔戎遂滅蕩社十二  
年伐蕩氏取之集解曰徐廣曰蕩音湯社一作杜索隱曰  
西戎之君號曰毫王蓋成湯之胤其邑曰蕩社徐廣云一  
作湯杜言蕩邑在杜縣之界故曰湯杜也正義曰括地志  
云雍州三元縣有湯陵又有湯臺在始平縣西北八里案  
其國在三原始平之界矣六國表曰夫作事者必於東南  
收功實者常於西北故禹興於西羌湯起於亳周之王也  
以豐鎬伐殷秦之帝用雍州興漢之興自蜀漢集解曰徐  
廣曰京兆杜縣有毫亭封禪書曰於社毫有三社王之祠  
壽星祠集解曰韋昭曰毫音薄湯所都贊曰濟陰薄縣是

宗隱曰徐廣云京兆杜縣有亳亭則社字誤合作杜亳且  
據文列於下皆是地邑則杜是縣案秦寧公與亳王戰亳  
王奔戎遂滅湯社皇甫謐亦云周桓王時自有亳王號湯  
非殷也而臣瓚以亳爲成湯之邑云在濟陰非也案謂杜  
亳二邑有三杜主之祠也漢書郊祀志曰濟陰亳縣是也  
之祠壽星祠韋昭曰亳湯所都也臣瓚曰濟陰亳縣是也  
師古曰杜卽京兆杜縣也此亳非湯都也不在濟陰徐廣  
云京兆杜縣有亳亭斯近之矣水經派水篇注云漢哀帝  
建平元年大司空史郤長卿案行水災因行湯冢在漢屬  
扶風今徵之迴渠亭有湯池微陌是也然不經見難得而  
詳案秦寧公本紀云二年伐湯三年與亳戰亳王奔戎遂  
滅湯然則周桓王時自有亳王號湯爲秦所滅乃西戎之  
國於下杜亳時奉焉又立杜主祠禮諸雜祠曰周立壽星  
祠於下杜亳亭一說湯都也通志都邑畧曰契封於商後  
文京兆杜陵亭一說湯都也通志都邑畧曰契封於商後  
世遷於亳卽西亳也成湯受命始遷於南亳故命以殷至  
仲丁遷於亳自注亳故京兆杜縣有亳亭是也杜城今在  
長安南故司馬遷云禹興西羌湯起亳也及湯有天下始  
居宋地復命以亳今南京穀熟是也此謂之南亳禮畧曰  
周立壽星祠於下杜亳時奉焉又立杜主祠三王紀曰契

之封商本上洛後世遷於亳故京兆杜縣亳亭是也司馬遷云西興西羌湯起亳俱在西也及湯有天下始居於商邱復命以亳桀之穀熟是也路史國名紀曰商氏後亳有五一在杜南湯先世之居自注長安杜南有亳亭有澗水又曰秦寧公二年伐湯三年與亳戰蓋京兆杜亳顧會曰說文京兆杜陵亭也以上諸條惟六國表注及都邑畧與本事相達然可知京兆杜陵有亳亭非許慎一家之說也若左氏傳肅慎燕亳之亳杜預陸德明無釋孔穎達疏云亳是小國闕不知所蓋與燕相近亦是中國林堯叟曰三國在北方顧炎武杜解補正乃引王氏說史記秦本紀寧公與亳戰亳王奔戎皇甫謐云西戎之國以實之則周王當與魏駘蒯岐畢五國並列西土不得列於北土矣顧氏經史貫穿地理之學冠絕諸家而不免於誤甚矣考訂之難也

#### 文四 重一

邑外謂之郊郊外謂之野野外謂之林林外謂之

象遠界也凡口之屬皆從口

古樊切

邑外云云者釋地文彼云郊外謂之牧牧外謂之野郭注  
邑國都也假令百里之國五十里之界界各十里也假案  
詩魯頌在坰之野毛傳云坰遠野也邑外曰郊郊外曰野  
野外曰林林外曰坰亦無郊外為牧之文一切經音義二  
十二引爾雅邑外謂之郊郊外謂之野野外謂之牧牧外  
謂之林皆各七里林外謂之坰無里數案所引正文與今  
本異所引注七里當為十里本書郊下云坰國百里為郊  
野下云郊外也列子黃帝篇出行經坰外注云坰郊野之  
外也徐鍇曰禮注王者近郊五十里遠郊百里又引司馬  
法王國百里為郊二百里州三百里野四百里縣五百里  
都明爾雅所言諸侯之國也又周禮載師職國地無征則  
地諸侯之邑也園廛二十而稅一則近郊也近郊十一則  
野也遠郊二十而三則林也稍甸縣都皆無過十  
二則曰也象遠界也者詩洞酌傳云洞遠也

古文曰從口象國邑

汗簡引

作夙

從口象國邑者本書

邑下云國也從口

同或從土

同或從土者當云月或從土蓋月之或體非古文或從土也

買賣所之也市有垣從口從乚古文及象物相及

也之省聲

時止切

世本祝融作市 呂氏春秋勿躬篇祝融作市 古史考神農作市高陽氏表市官不修祝融修市 成伯陽平樂市賦惟市之由興自炎帝之所創 初學記引易繫辭神農氏日中為市致天下之人聚天下之貨交易而退各得其所蓋取諸噬嗑 周禮司市掌市之治教政刑量度禁令大市日昃而市百族為主朝市朝時而市商賈為主夕市夕時而市販夫販婦為主 初學記引風俗通市恃也言交易而退恃以不賤也又云市亦謂之市井言人至市有所鬻賣者當於井上洗濯令香潔然後到市也或曰古者二十畝為井因井為市故云也 宣十五年公羊解詁因井田以為市故俗語曰市井 洛陽記洛陽有三市月陽記京師有四市三輔舊事長安有九市 王廙洛陽賦肇建三市廛開疆理列肆雲曼修

唐高時 三輔黃圖廟記云長安市有九各方二百六十六

步凡四里為一市有令署以察商賈貨財買賣貿易之事

左思蜀都賦市廛所會萬商之川列肆百重羅肆巨千財貨

山積纖麗景繁王彪之整市教近檢校山陰市多不如法

或肆錯亂或商估沒漏假冒豪彊之名擁護貿易之利凌

易平弱之人專固要害之處六典京都諸市令掌百族交

而權固及更出開閉共限一價若參市而規自人者並禁之

買賣所之也者御覽引作買賣之所也字鑑同案淮南說

林訓朝之市則走夕過市則步御覽八百二十八引風俗

通市買者當清且而行日中交易所有夕時便罷無人也

齊乘譚拾子云市朝則滿夕則虛非朝愛市而夕惜之也

求存故往往云市朝則滿夕則虛非朝愛市而夕惜之也

財具也而萬人之所和而利也成公綏市長歲買遷有無

市朝有處人以攸資貨以攸教交易而退各得其利市

有垣者白帖引關市令諸外蕃與緣邊互市官司檢校其

市四面穿塹及立廐垣遣人守門又有禁有門額延之禁

要市巷謂之關市門謂之關又有亭有樓周禮遺人五十

里有市市有候館注云候館樓可以觀望者也西京賦廓

開九市通關帶關旗亭五重備察百隧初學記引薛注市

兌文釋名卷登 六一



觀漢記鍾離意為堂邑令初到市無屋意出俸錢作屋

出

淫淫行兒從人出口

余箴切

淫淫行兒者後漢書來欽傳注外作允允類篇通志引同  
玉篇亦作允允文選羽獵賦淫淫與與前後要遮李善注  
淫淫與與皆行兒也又云窮允關與孟康曰允行也後漢  
書馬援傳允豫未決注云允行貌也義見說文來欽傳故  
允允豫不決注云允豫不定之意也伏隆傳允豫未決盧  
植傳論未有不允豫奪常者也注云允人行兒也言允豫  
不能自定也

界

中央也從大在口之內大人也央旁同意一曰从也

於反切

中央也者玉篇央位內為四方之主也廣韻央中央詩兼  
葭宛在水中央荀子正論篇今人或入其央瀆楊倞注央  
瀆中瀆也鄭注公食大夫禮凡鼎簠益以茅為之長則束  
本短則編其中央淮南地形訓中央四達風氣之所通而

中央

高至也從佳上欲出月易曰夫乾崔然

胡沃切

露之所會也匡謬正俗庭燎篇云夜未央傳云央月也鄭箋云夜未央猶言未渠央也案秦詩蒹葭篇云宛在水中央禮月令云中央並是中義許氏說文解字云中央中央也一曰久是則夜未央者言其未中也未久也今關中俗呼二更三更為夜央夜半此蓋古之遺言謂夜之中耳毛公訓央為旦亦未知出於何典而鄭君直釋云未渠央不解未渠何義案俗語云未渠央亦言未遽央遽與渠同言未遽中耳古詩云調絃未遽央即是其事康成不能指明其義而更曲引未渠云復加以病言如博依之說適令學者不曉其意大人也者大當為介本書介籀文大亦象人形央旁同意者本書旁溥也謂四方也又十下云一為東西一為南北則四方中央備矣一曰久也者詩釋文引作久也已也案漢有未央宮其瓦文云長樂未央言樂無已也武帝李夫人賦惜蕃華之未央言不久也

說文解字

卷五

三

連筠移叢書

高至也者易釋文引同廣韻崔高也通作確易文言傳確乎其不可拔釋文引鄭云堅高之兒夷喜安天論天確乎在上有長安之形地魄焉在下有居靜之體又通作霍淮南天文訓太陰在巳日大荒落高注方萬物熾盛而大出

霍然落落大布散司馬相如大人賦霍然雲散從任上  
欲出口者本書乾上出也 易曰夫乾霍然者紫辭文彼  
作確鄭氏  
易贊作霍

文五 重二

**亭** 度也民所度居也從回象城商之重兩亭相對也或

但從口凡亭之屬皆從商 古博切

本書牖古文作亭 通作郭釋名郭廓也廓落在城外也蒼  
頡篇郭城郭也文十五年公羊傳郭者何恢郭也何云恢大  
也郭城外大郭御覽一百九十三引王肅表夫城之有郭猶  
裏之有表骨之有皮表裏各異則保障不完皮骨分離則一  
體不  
負

度也民所度居也者商度聲相近本書癸下云冬時水土  
平可揆度也詩皇矣爰爰度傳云度居也吳越春秋縣  
築城以衛君造郭以居人此城郭之始也 從回象城商  
之重兩亭相對也者亭謂城樓古者亭樓通稱旗亭即市

樓本書亭有樓是也 或但  
從口者當別有篆文作

𡵓

𡵓也古者城闕其南方謂之𡵓從商𡵓省讀若拔物

為𡵓引也 傾雪切

𡵓也古者城闕其南方謂之𡵓者𡵓𡵓聲相近闕當為𡵓  
定十二年公羊解詁天子周城諸侯軒城軒城者𡵓南面  
以受過也周禮小胥正樂縣之位王宮縣諸侯軒縣郎司  
農云宮縣四面縣軒縣去其一面四面象宮室四面有牆  
故謂之宮縣軒縣三面其形曲故春秋傳曰請曲縣繁纓  
以朝諸侯之禮也後鄭云軒縣去南面辟王也穀梁左傳  
舊注諸侯軒縣闕南方形如車輿五經通義說垣宮云諸  
侯不得觀四方故𡵓東以南半天子之學故曰垣宮說苑  
敬慎篇衣成則𡵓衽宮成則𡵓隅屋成則加錯示不成者  
天道然也易曰謙亨君子有終吉 𡵓省讀若拔物為𡵓  
引也者徐鍇本作  
𡵓𡵓引作𡵓引

文二

京

人所為絕高邱也從高省一象高形凡京之屬皆從

京舉卿切

人所為絕高邱也者釋邱絕高為之京郭云人力所作李  
巡云邱之高大者曰京元和郡縣志京者人力所為絕高  
邱也亦云非人力所為者若人力所為者若公孫瓚所築易  
京是也非人力所為者若榮陽京索是也廣雅四起曰京  
詩公劉迤邐觀于京箋云絕高為之京定之方中景山與京  
甫田如坻如京傳並云京高邱也皇矣依其匡京傳云京  
大阜也襄二十五年左傳潁京陵注云絕高曰京圖經京  
口其城因山為壘緣江為境爾雅曰邱絕高曰京因謂之  
京口韻案九經字樣京人所居高邱也本書上土之高也  
非人所為也淺學因京觀人所築故本書人所居作人所  
為以合郭注馥謂積尸台土築之似京故曰京觀不得謂  
京亦築也考風俗通山澤篇謹案爾雅邱之絕高大者為  
京謂非人力所能成乃天地性自然也春秋左氏傳莫之  
與京國語趙文子與叔向遊於九京今京兆京師義取於  
此馥謂此漢人之說較郭注為可依據

一象高形者戴侗引蜀木曰中營

𡇗

就高也從京從尤尤異於凡也

疾微切

就高也者孟子為高必因邱陵九經字樣京人所居高邱也就字從之穀案此言人就高以居也尤異於凡也者京高不與眾同也本書尤異也

𡇗

籀文就

文二 重一

𡇗

獻也從高省日象進孰物形孝經曰祭則鬼高之凡

高之屬皆從高

許兩切又音庚切又許庚切

獻也者釋詁文舍人云獻食物曰享本書獻犬肥首以獻之差進獻也廣雅獻進也易大有公用亨於天子京云亨獻也書洛誥汝其敬識百辟享亦識其有不享傳云奉上謂之享徐鍇曰尚書曰高多儀儀不及物惟曰弗享高獻也獻於上也詩天保是用孝享載見以孝以享傳竝云享獻也楚茨以享以祀烈祖以假以享殷武莫敢不來享箋

說文解字義證 卷十五

三

連筠移叢書 靈石楊氏聚

竝云享獻也宣十六年左傳享有體薦注云享則半解其體而薦之昭三十二年穀梁傳諸侯不享觀范云享獻也周語賓服者享注云享獻也聘禮受享束帛加璧注云享獻也周禮大行人廟中將幣三享鄭云三享三獻也曲禮五官致貢曰享注云享獻也通作饗月令以其皇天上帝社稷之饗注云饗獻也曰象進孰物形者方言熟也注云熟食為羞經典借為享煮方言享熟也高嶽以南陳穎之閒曰享禮運以享以災注云享煮之饗也家語問禮篇以享以災注云煮之日享 孝 經曰祭則鬼享之者孝治章文

篆文享

上篇云


籀文


享 孰也從高從干讀若純一曰饗也 常倫切

一曰饗也者其義未聞案彌象孰飪五味氣上出也疑饗或彌之誤本書孰飪也

篆文享

人 厚也從高竹聲讀若篤冬毒切

本書築古文作從此管

釋名篤築也築堅實稱也  
厚也者釋詁文彼作篤晉厚聲相近厚當作本書毒古  
文從刀蓄蓄當作此管晉書並訓厚音義同 讀若篤者  
書武成公劉克篤前烈傳云能厚洗人之業詩篤公劉大  
明篤生武王傳並云篤厚維天之命曾孫篤之傳云成王  
能厚行之也論語君子篤於親苞氏曰君能厚於親屬又  
云篤信好學皇侃曰令篤厚於誠信而好學先王之道又  
云博學而篤志孔安國曰廣學而厚識之也皇侃曰篤厚  
也文十八年左傳明允篤誠杜注篤厚也宣十二年公羊  
傳君子篤於禮而薄於利何注篤厚也中庸必因其材而  
篤焉表記篤以不捨鄭注並云篤厚也漢耿勣碑寵存贈  
至也 匹篤之

高 用也從高從自自知臭香所食也讀若庸余封切

用也者易王用亨於岐山書微子今殷民乃攘竊神祇之  
犧牲牲用夏小正丁亥萬用入學傳云謂今時大舍菜也

兌之降字妄登 卷十五 看 連筠篠叢書



汲冢周書用紂於南郊論語雖欲勿用山川其舍諸春秋  
 成十七年用郊公羊云或曰用然後郊僖十九年邾人執  
 縉子用之穀梁傳用之者即其以歸社也趙氏集傳用  
 之同於牲也類聚三十九引伍輯之從征記臨沂厚邱間  
 有次睢里社常以人祭襄公使邾子用郕子處相承雇貧  
 人命齋潔祭時縛著社前如見牲犧魏初乃止春秋昭十  
 一年楚師滅蔡執蔡世子有以歸用之左傳楚子滅蔡用  
 隱太子於岡山莊二十五年公羊傳用牲於社定四年傳  
 於其歸房用事乎河昭十年左傳平子伐莒取郟獻俘始  
 用人於亳社二十九年傳介葛盧聞牛鳴曰是生三犧皆  
 用之矣昭二十二年傳賓孟見雄雞白斷其尾侍者曰自  
 憚其犧也遽歸告王曰雞其憚為人用乎說苑修文篇韓  
 褐子濟於河津人告曰夫人過於此者木有不快用者也  
 而子不用乎韓褐子曰天子祭海內之神諸侯祭封域之  
 內大夫祭其親士祭其祖禰褐也朱得事河伯也自知  
 臭香所會也昔集韻引所下闕一字故謂當是以字本書  
 口所以言會也舌所以言也自鼻也書召誥自服於土  
 中鄭注自用也酒誥庶草自酒腥聞在王傳訓自為用

文四 重二

𠂔

厚也從反音凡𠂔之屬皆從𠂔

胡口切

徐鍇部敍云音必滿故矣之以音高滿也滿厚故矣之以音其本𠂔在音下

厚也者論語民德歸厚矣

𠂔

長味也從𠂔鹹省聲詩曰實覃實吁

徒含切

長味也者本書醴從此云酒味苦也廣雅覃長也詩持之覃今傳云覃延也馥案延亦長也詩曰實覃實吁者大雅生民文彼作訃

𠂔

古文覃

𠂔

篆文覃省

𠂔

山陵之厚也從𠂔從厂

胡口切

山陵之厚也者本書竺下云厚也二地之數也釋名阜厚也一切經音義十三引國語賈注阜厚也詩謂地蓋厚中

說文解字義證

卷十五

𠂔

連筠移書

肅博厚配地韓詩外傳地設其厚而山陵成名隱元年左傳厚將崩杜云厚謂土地廣大非眾所附雖厚必崩傳又云楚問城之高厚隱三年穀梁傳厚曰崩范云沙鹿崩從昂從厂者當有昂亦聲三字

厚

古文厚從后土

從后土者詩甫田以社以方傳云社后土也檀弓國亡大縣邑君舉而哭於后土億十五年左傳君履后土而戴皇天

文三 重三

富

滿也從高省象高厚之形凡富之屬皆從富讀若伏

房六切又

芳逼切

滿也者福從此福備也備則充實而

滿矣

象高厚之形者本書富厚也

𡗗

善也從富省𡗗聲

呂張切

善也者廣雅同詩日月德音無臣弼之在奔人之無臣傳  
竝云良善也黃鳥箋云二臣三善臣也又蟋蟀良士聖瞿  
墓門夫也不臣常俸每有良朋所弓民之無良白華之子  
無良桑柔維此良人箋竝云良善也周禮玉府凡良賁賄  
之藏司裘中秋獻良裘禮記月令莫不質良又毋或不良  
曾子問有慈母良鄭注竝云良善也宣十二年公羊傳寡  
人無良過垂之臣注云良善也從言省者古印文作急

汗簡引

古文良

作良

亦古文良

亦古文良

亦古文良

亦古文良

文二 重三

穀所振入宗廟粢盛倉黃而取之故謂之而從入

連芳後集

回象屋形中有戶牖凡窗之屬皆從回

力甚切

廣雅廩倉也

史記正義引本書圖者謂之回方者謂之廩

周禮敘官廩人注云藏米曰廩馥案月令章句穀藏曰倉

米藏曰廩詩正義云對文則藏米曰廩藏粟曰倉其散即通

也管子臣乘馬篇謂農夫曰幣之在子者以為穀而廩之

州里孟子父母使舜完廩注云完治廩倉子華子合升

勺而合以登之斛廩則成矣文十三年公羊傳周公盛魯

公齋羣公廩說苑說叢篇稼生於田而藏於廩唐六典

太倉署令掌九穀廩藏之事通作廩晉語若廩而棄之是

焚穀也其稟不

材是穀不成也

穀所振入宗廟粢盛者粢當為齋文十六年左傳振廩同

倉周禮甸師掌帥其屬而耕耨王籍以時入之以其齋盛

注云齋盛祭祀所用穀也廩人大祭祀則其其接盛注云

大祭祀之穀藉田之收藏於神倉者也禮記月令季秋之

月藏帝藉之收於神倉注云重粢盛之委也帝藉所耕于

畝也藏祭祀之穀為神倉祭義是故昔者天子為藉千畝

冕而朱紘躬秉耒諸侯為藉百畝冕而青紘躬秉耒以事

天地山川社稷先古以為醴酪齊盛於是乎取之敬之至

也注云精耕田也先古先祖春秋桓十四年御廩災公羊傳御廩者何案盛委之所藏也何云黍稷曰案在器曰盛委積也御者謂御川於宗廟廩者釋治穀曰穀梁注云御廩藏公所親耕以奉祭盛之倉也周語宣王不藉千畝說文公諫曰不可夫民之大事在農上帝之粢盛於是乎出又云廩於籍東南鍾而藏之韋注廩御廩一名神倉鍾聚也謂為廩以藏王所耕田以奉廩盛漢書昭帝紀藏虛倉廩顏注倉新穀所藏也廩穀所藏人也百官公卿表有廩儀令丞尉顏注廩主藏穀主養牲皆所以供祭祀也漢書文帝紀二年正月詔曰大農者天下之本也其開籍田朕親帥耕以給宗廟案盛三輔黃圖長安城東出第二門曰籍田門以門內有籍田倉晉武帝詔古之聖王躬耕帝籍以供郊廟之粢盛宋太祖詔古者躬耕帝籍敬供粢盛通鑑唐明皇種麥於苑中帥太子以下親往芟之謂曰此所以薦宗廟故不敢不親唐六典凡籍田所收九穀納於神倉以供祭盛詩豐年亦有高廩傳云廩所以藏盛之穗也明堂位米廩有虞氏之庠也注云魯謂之米廩虞帝上孝今藏案盛之委焉外傳有虞氏之學亦謂之米廩虞注云藏躬耕之穀於學中供祭祀倉黃向而取之故謂之向者本書舊下云來者向而藏之倉下云倉黃取而藏之

故謂之倉沈德潛曰人以世還為倉皇然古人多作蒼黃  
少陵詩形勢反蒼黃又云蒼黃已就長途晚柳州詩蒼黃  
見驅還無作倉皇者通鑑魏帝獲麋鹿詔發車運之古弼  
表曰今秋穀懸黃麻菽布野猪鹿竊倉鳥雁侵費風雨所  
耗朝夕三倍乞賜於緩使得收戴腹案取者詩伐檀不稼  
不穡胡取禾三百困兮回象屋形者廣韻倉有屋曰廩

# 倉

或從广從禾

或從广從禾者疑但從广作廩  
隸體因稟加禾篆又因隸而誤

# 倉

賜穀也從宀從禾

筆錦切

賜穀也者後漢書光武紀注引同廣雅稟祿也又云稟子  
也廣韻稟供穀又與也增韻云禮記中庸既稟稱事古者  
給人以倉取之於倉廩故因稱稟給急就篇稟倉縣官帶  
金銀顏注稟倉縣官官給其食也王氏補注稟賜穀也漢  
書縣官謂天子也史記平準書衣官仰給縣官索隱夏家  
王畿內名縣內即國都也王者官天下故曰縣官淮南原  
道訓收聚蓄積而不加富布施稟授而不益貧漢書貢禹  
傳稟倉大官兩城傳諸國稟倉得以白鹽鹽鐵論散不足

篇廣屋大第坐粟衣食應璩與劉靖書解家孤獨蒙粟賑  
之實袁山松後漢書樂人見盆子叩頭言饑盆子使中黃  
門稟之粟數升後漢書光武紀其命郡國有穀者給粟北  
史魏太和四年賜天下貧人一戶之內無雜財穀帛者粟  
一年晉太康起居注詔曰尙書舊事之本而粟積檢薄甚  
非治體其依令僕給尙書各親信五十人粟賜管書文帝  
紀粟軍士大豆人三升百官表注右丞主粟賜門戶租布  
北堂書鈔三十九引漢書典官職云尙書僕射掌授粟假  
錢穀唐六典司農少卿爲之貳凡京都百官吏錄粟皆仰  
給焉通鑑神策軍士糧名軍籍厚得粟賜注云粟賜猶言  
給賜也

會

多穀也從尙且聲

多早切

多穀也者釋詁宜厚也酸謂多穀亦厚藏也六書故書曰  
誕告用宜其有衆又曰宜聰明作元后孔氏曰誠也詩云  
宜其然乎又曰爾父宜不聰又曰擇三有事宜侯多穀毛  
氏曰誠也案宜尙庚之實詩氏所謂多穀也故毛氏訓以  
誠通作單詩俾爾單厚又於緝熙單厥心傳拉云單厚也  
又通作僎詩桑柔逢天僎怒傳云僎厚也釋文云僎本亦



同作

𡗗

𡗗也從口向向受也

方美切

𡗗也者本書圖下云𡗗難意也通作鄙論語使驕止者注云各鄙𡗗也漢書董仲舒傳或仁或鄙後漢書黃憲傳同郡陳蕃周舉嘗相謂曰時月之間不見黃生則鄙吝之萌復存乎心曲征賦方鄙吝之憤惜南史陸慧曉傳劉瓛至吳謂人曰吾聞張融與慧曉竝宅其間有水此必有異味故命駕往酌而飲之曰欲此水則鄙吝之萌盡矣何遜七召既夷志於坎壤亦忘懷於鄙吝昭明太子陶淵明集序馳競之情遣鄙吝之意祛向受也者書說命臣下罔攸稟令傳云稟受也漢書文帝紀吏稟當受𡗗者又大月氏國不屬都護為冒頓所破乃西擊大夏而臣之其稟漢使者顏注同受節度也

𡗗

古文𡗗如此

文四 重二

來回

愛濇也從來從向來者回而藏之故田夫謂之濇夫

凡濇之屬皆從濇

所力切

方言濇積也注云濇者貪故為積又云濇貪也荆汝江湖之  
 郊凡貪而不施或謂之濇廣雅濇貪也易說卦坤為吝  
 詩葛履序其君儉濇備急詩諸魏君濇且備急襄  
 二十六年左傳濇於禍杜云濇貪也韓策公仲濇於財  
 漢書王莽傳性實遠濇續漢百官志鄉小者縣置濇夫一  
 人注引風俗通濇者省也魏略曹洪家富而性濇南齊  
 書王琨傳琨性既古慎而儉濇過甚圖經邕州人俗恠濇  
 通作稿書湯嘗稿事史記作濇詩桑采好是稗稿箋云但  
 好任用是居家吝濇於聚斂作力之人釋文云稿本亦作濇  
 尋鄭家濇二字本皆無禾者倍二十一年左傳務稿勸分杜  
 云稿  
 儉也

愛濇也者廣韻五音集韻並引作愛盟范應元注老子濇  
 愛惜之義法濇於賜與曰愛昭元年左傳大國省稿而  
 用之注云稿愛也晏子問篇稱財多寡而節用之富無金  
 藏貧不假貸謂之濇積多不能分人而厚自養謂之吝不

能分人又不能自養謂之愛故夫嗇者君子之道吝愛者  
 小人之行也通作色韓詩外傳聖人不淫佚侈靡者非鄙  
 夫色而愛財用也來者商而藏之者太元圖則机視方  
 則嗇矣注云圖謂天方謂地易曰坤為玄嗇主收藏此之  
 謂也月令章句十月農人事畢五穀既登家家儲蓄王粲  
 務本論野積踰冬奪者無罪場功過限竊者不刑所以競  
 之於閑藏也故田夫謂之嗇夫者書大誥若稽夫子曷  
 敢不終朕畝老子治人事天莫若嗇王弼注嗇農夫夏小  
 正嗇人不從罔魏公九錫文嗇民昏作徐鉉本有一曰棘  
 省聲五字戴侗引蜀本一說從棘省聲馥謂牆種文從二  
 來二來當為二束

𡗗 古文嗇從田

從田者所謂田夫謂之嗇夫

𡗗 垣蔽也從嗇另聲 才良切

垣蔽也者李善注鄒陽獄中上書引同本書垣牆也廣雅  
 牆垣也急就篇泥塗墜壁垣牆顏注牆鄣也所以自障

蔽也釋宮牆謂之墉郭注引書既勤垣墉詩無踰及牆傳云牆垣也昭元年左傳人之有牆以蔽惡也論語譬諸宮

牆鄭注

牆屏也

絲

籀文從二禾

絲

籀文亦從二來

亦從二來者  
當為二束

文二

重三

來

周所受瑞麥來麤一來二縫象莠束之形天所來也

故為行來之來詩曰詒我來麤凡來之屬皆從來

切

本書絲齊謂麥絲也廣韻作絲  
又作麤云小麥廣雅小麥絲也

川所受瑞麥來楚一來二縫象芒束之形天所來也故爲  
行來之來者御覽引云周所受來牟也一麥二縫象其芒  
束之形天所來也詩正義引云周受來牟也一麥二縫象  
其芒刺之形天所來也二書所引竝無瑞麥及故爲行來  
之來八字董彥遠謝除正字啓知一束二縫之爲來閔康  
侯注引說文作一束二縫廣志虜小麥其實大楚似大麥  
形有二縫埤蒼稌之麥一麥二稃周受此瑞麥詩生民  
誕降嘉種傳云天降嘉種木書極下引此詩而說之云天  
賜后稷之嘉穀也韻謂天所來卽此意又案夏小正來降  
燕傳云言來者何也莫能見其始出也故曰來降詩曰  
詒我來麋者周頌思文文彼作詒我來牟箋云武王渡孟  
津白魚躍入王舟出侯以燎後五日火流爲房五至以穀  
俱來此謂遺我來牟臣工於皇來牟將受厥明明昭上帝  
迄用康年箋云於美乎赤烏以牟麥俱來故我周家大受  
其光明謂爲珍瑞天下所休慶也此瑞乃明見於天至今  
用之有樂歲五穀豐熟書太誓惟四月太子發上祭於畢  
下至於孟津之上升舟中流白魚入於舟中王跪取出爇  
以燎之至於五日有火自上下復於下至於王屋流之爲離  
其色赤其聲魄五至以穀俱來書緯合符后注云五至猶  
五來不知爲一日五來爲當異日也鄭注五日燎後日數

王屋所在之舍上流猶變也離當為鵲鵲鳥也煥後五日而有火為鳥天報武王以此瑞書說曰鳥有孝名武王卒父業故鳥瑞臻赤周之正穀記后稷之德又禮說曰武王赤鳥穀甚應周尚赤用兵王命曰為牟天意若曰須假紂五年乃可誅之武王即位此時已三年矣穀蓋牟麥也詩云詒我來牟漢書楚元王傳周頌曰節我釐彝釐彝麥也始自天降此皆以和致和獲天助也顏注釐讀與來同馬融書傳敘大誓後得案其文似若淺露火復於上至於王屋流為雕五至以穀俱來舉火神怪得無枉子所不語中乎孔叢執節篇魏王問子願曰寡人問昔者上天神異后稷而為之下嘉穀周以遂興答曰天雖至神自古及今未聞下穀與人也詩美后稷能大教民種嘉穀以利天下故詩曰誕降嘉種劉書所謂稷降播種農殖嘉穀皆說種之其義一也陳啓源曰詩貽我來牟及臣工篇皆特舉來牟不旁及餘穀與他詩泛稱嘉穀語意自殊則赤鳥銜穀之祥不得以涉於符瑞而槩斥其誣也

不來

詩曰不來不來從來矣聲

牀史切

詩曰不來不來者詩無此文爾雅釋訓不來不來也郭注不可待是不復來或作埃楚詞九章招魂馮而不埃王注

思舒憤懣  
無所待也

得

或從彳

文二 重一

麥

芒穀秋種厚種故謂之麥麥金也金王而生火王而

外從來有穗者從又凡麥之屬皆從麥

莫獲切

孝經援神契黑墳宜垂麥淮南子地形訓濟水通和而宜  
麥夏小正三月祈麥實傳云麥實者五穀之先見者故急  
祈而記之也記勝之書麥早種穗強有節晚種穗小而少  
實呂氏春秋審時篇得時之麥稠長而頭黑二七以為行  
而服薄穠而赤色稱之重食之致香以息使人肌澤且有力  
如此者不蚰蛆先時者暑雨未至附動蚰蛆而多疾其次羊  
以節後時者弱苗而穗蒼狼薄色而美芒漢書武帝紀遣  
謁者勸有水災郡種宿麥顏注秋冬種之經歲乃熟故云宿  
麥食貨志董仲舒說上曰春秋它穀不書至於麥禾不成則  
書之以此見聖人於五穀最重麥與禾也今關中俗不好種

麥是歲失春秋之所重而損生民之具也願陛下幸詔大司  
農使闢中民益種宿麥令毋後時顏注宿麥謂其苗經冬

本草圖經麥秋種冬長春秀夏實  
具四時中和之氣故為五穀之貴

芒穀者木書稿芒粟也來象芒束之形玉篇麥有芒之穀

秋種厚蘊故謂之麥者麥種聲相近月令仲秋之月乃

勸種麥又孟春首種不入蔡氏章句麥以秋種故謂之首

種夏小正鞠榮而樹麥時之急也尚書大傳主秋者虛昏

中可以種麥麥金也金王而生火王而外者高注呂氏

春秋孟春紀云麥屬金淮南地形訓麥秋生夏外注云麥

金也金王而生火王而外抱朴子謂夏必長而蒜麥枯西

京雜記董仲舒答鮑敞云然則建巳之月為純陽不容都

無復陰也但是陽家用事陽氣之極耳齊麥枯由陰殺也

建亥之月為純陰不容都無復陽也但是陰家用事陰氣

之極耳齊麥始生由陽升也月令仲夏之月陰陽爭外生

分蔡氏章句感陽氣長者生於陰氣成者外李時珍曰案

素問云麥屬火心之穀也鄭元云麥有孚甲屬木許慎云

麥屬金金王而生火王而外三說各異蓋許以時鄭以形

而素問以功性故立論不同爾從來者九經字樣來穀

之麥自天而來故從來有穗者從久者徐錯曰久若穗

車奇錄叢書



說文解字義證 卷十五

靈石楊氏

自後籟之也。籟案九經字樣云麥其下從又行來之兒也。

來 籟 麥也 從麥 牟聲 莫浮切

來 籟 麥也者初學記引作周所受來籟也玉篇籟春麥也廣韻籟大麥又短粒麥廣雅大麥籟也白帖來籟大麥也陶注本草大麥云今稞麥一名籟麥似曠麥惟皮薄耳吳音曰大麥一名曠麥五穀之盛呂氏春秋任地篇孟夏之音殺三葉而穫大麥注云大麥旋麥也趙注孟子籟麥大麥也通作牟詩貽我來牟傳云牟麥也又或作籟韓詩章句籟大麥也後漢書班固傳昔姬有素雉朱鳥元柜黃籟之事耳注云黃籟麥也謂赤鳥銜牟麥而至也

麥 籟 或從艸

堅 麥也 從麥 氣聲 乎畏切

通鑑唐兵圍洛陽城中糲覈不充新字林豆中卜硬者為辟覈謂覈亦辟類

堅麥也者程君瑤田曰覈與覈通漢書或謂陳平肥饒曰會獲覈耳注孟康曰覈麥糲中不破者也晉灼曰覈音純

京師人謂麤屑為乾頭廣韻引漢書作食糠乾玉篇亦曰  
乾堅麥也引孟康說以證之說文釋麤為麥或屑屑類為  
小麥屑之麤並是物也以屑之數言之謂之麤故玉篇云  
廣韻云麤麤也或以屑之數言之謂之麤故玉篇云  
屑也或案麤或作微廣韻微麥微麥微不破又作微集韻  
微穀不破者或作或作或作或作或作或作或作或作或作  
則案麤注云案  
味類稿米不碎

糴

小麥屑之麤從麥貨聲

蘇果切

小麥屑之麤者集韻麥全曰麤玉篇麤羅麥屑廣雅麤  
也四民月令五月至後種麤類曝乾至冬可養馬魏志注  
引吳書袁術問廚下尚有麥屑三十斛三國與吳建康令  
孔奐以麥屑為飯用荷葉裹之以給兵士陳書張昭弟乾  
父卒兄弟日惟  
食一升麥屑粥

穉

穉麥也從麥乘聲一曰擣也

昨何切

穉麥也者穉當為穉本書穉碎也廣韻穉穀麥淨也  
一曰擣也者或作暖廣韻暖擣也廣雅暖春也

說文解字義登

卷十五

連筠後叢書

𥽿 小麥肩皮也從麥夫聲甫無切

小麥肩皮也者一切經音義十一款麥皮也或作𥽿音書五行志麥薺粗穢其精已去延篤與李文德書吾食赤烏之薺

𥽿 或從甫

麥末也從麥𠂔聲彌衙切

麥末也者類篇引作麥肩末也末當為𥽿本書機𥽿也玉篇𥽿𥽿也𥽿麥𥽿也廣雅機謂之𥽿若顏解詁𥽿細𥽿也束哲𥽿賦重羅之𥽿塵飛雪自袁淑俳諧集廬山公九錫文嘉麥既熟實須精𥽿負磨回衡迅若轉電惠我衆庶神祇獲薦通鑑晉惠帝太子全西園買葵菜蓋子雞𥽿注云𥽿肩麥為之

麥𥽿肩也十飭為三斗從麥𠂔聲直隻切

麥𥽿肩也者一切經音義二十二今閩中謂麥肩堅者為𥽿頭江南呼為𥽿子廣雅𥽿𥽿也十飭為三斗者九章

等術今有粟一斗欲為小餅問得幾何答曰為小餅二升一十分升之七李籍音義云熬麥屑也

**糲豆**

煮麥也從麥豐聲讀若馮

敷戎切

煮麥也者春秋繁露祭義篇夏上尊實尊實豐也有司徹饗黃坐設於豆西注云豐熬麥也周禮總人朝事之籩其實饗黃鄭司農云熬麥曰豐荀子富國篇午其車服其將若撥豐注云豐麥之牙藥也賈誼書先醒篇食驢餒飯案麟樓饌餅字從麥疑豔為豐之譌讀若馮者後鄭注邊人職云今河間以北煮種麥賣之名曰逢五音集韻餅煮也

**秣**

麥甘鬻也從麥去聲

邱據切

麥甘鬻也者字書同廣韻楚麥粥汁蒼頡篇鬻麥釋名煮麥曰楚鬻亦鬻也煮熟則鬻壞也急就篇甘楚殊美奏諸君顏注甘鬻者煮麥為甘粥也荀子富國篇冬日則為之饔粥夏日則與之瓜楚注云楚煮麥飯也

**散麥**

餅籩也從麥散聲讀若庫

空谷切

餅籩也者餅或為類玉篇餅索難也風土記酒則五餅贊  
夏廣雅羹籩也方言羹對穀籩也白關而西秦商之閒曰  
羹晉之舊都曰對齊右河濟曰穀籩其通語也漢書李陵  
傳隨而媒漆其短顏注齊人名穀餅曰煤漢晉春秋愍帝  
在長安糧盡太倉有餅數十餅屑之為粥以供奉齊民要  
術凡作三斛麥麵法悉炒生各一斛種各別磨合和之其  
餅麵手團二寸半厚九分又云河東神麵法餅如丸麵乾  
範作之嶺表錄異南中醞酒先用諸藥別淘漉粳米曬乾  
旋入藥和米搗熟即綠粉矣熱水洩而團之形如餅餅以  
指中心刺作一竅布放簞席上以枸杞葉覆之候好一如  
造粥法既而以簾篋貫之懸於烟火之上每醞一斗用幾  
個餅子固有恆準矣南中地煖春冬七日熟秋夏五日熟  
既熟貯以瓦甕川黃掃火燒之讀若庫聲近  
庫聲不相近當為慶爾雅螢天蠓散婁聲近

餅

餅籩也從麥穴聲

戶八切

餅籩也者見方  
言廣雅羹籩也

餅

餅籩也從麥才聲

昨哉切

言廣雅對菊也

文十三 重二

𠂔

行遲曳及及象人兩脛有所躑也凡及之屬皆從及

楚危切

行遲曳及及者遲當為解本書解及也後下云及者後也  
復從及云行遲也玉篇及行遲兒易蹇卦往蹇來連釋文  
云鄭如字遲及之意通作綏詩雄狐綏綏玉篇引詩作及  
及象人兩脛有所躑也者徐鍇說麥字云從及若穗自  
後躑之也

𠂔

行交交也一曰倨也從及允聲

七倫切

行交交也者本書趨下云行趨趨也通作踐西京賦大雀  
踐踐五臣注踐踐行走兒一曰倨也者本書趨下云交  
也倨也

言部言部

房六

行故道也者通作復釋言復返也小爾雅廣言復還也易  
復卦反復其道七日來復利有攸往釋文云復反也還也  
雜卦傳復反也書舜典率乃復傳云復還也鄭云復歸也  
巡守禮畢乃返歸矣詩我行其野言歸斯復傳云復反也  
黃鳥復我邦族箋云復反也論語語信近於義言可復也哀  
十六年左傳吾聞勝也好復言復言非信也杜云言之所  
許必欲復行之不顧道理春秋宣八年公子遂如齊至黃  
乃復杜云蓋有疾而還昭二年公如晉至河乃復杜云晉  
人辭之故還昭元年傳鄭伯如晉弔及雍乃復杜云蓋趙  
氏辭之而還桓五年傳淳于公如晉度其國危遂不復杜  
云國有危難不能自安故出朝而遂不還閔二年傳金玟  
不復應劭曰復反也襄二十八年傳引易迷復凶杜云復  
反也宣六年公羊傳復國不討賊何云復反也禮檀弓復  
盡愛之道也注云復謂招魂庶幾其精氣之反玉藻親老  
出不易方復不過時注云復反也通鑑光武封禪事畢乃  
復道下注云謂復故道而下山也謝靈運斤竹澗詩川渚  
屢徑復

出

越也從从從出出高也一日交倅也

力府切

通作陵書畢命以湯陵德隱三年左傳少陵長成二年傳齊侯親鼓士陵城三日又通作凌桓五年傳君子不欲多上人況敢凌天子乎嵇康贈秀才入軍詩凌厲中原李善引劉歆遂初賦登句注以凌厲長節賦薄漢會而凌節兮李善云凌乘也

越也者李善注羽獵賦引同信九年左傳恐隕越於下檀弓故喪事雖違不陵節注云陵躒也學記不陵節而施之謂孫正義陵猶越也史記秦始皇本紀陵水經地正義陵歷也史高也者本書陸高平地陵大阜也徐鍇本達下云空高也一日交倅也者通作陵遲荀子宥坐篇百仞之山任負車登焉何則陵遲故也注引王肅曰陵遲陂陀也說苑政理篇百仞之山童子升而游焉陵遲故也史記平準書選舉陵遲又云仁義陵遲鹿鳴刺焉淮南子山以陵遲故能高魏上尊號碑漢朝雖承季末陵遲之餘又通作陵夷漢書成帝紀日以陵夷鹽鐵論嚴厲三仞樓季難之山高于雲牧豎登之故峻則樓季難三仞陵夷則牧豎易山顛

說文解字義證

卷十五

美

連筠後叢書



送詣也從及從至

切涉利

送詣也者一切經音義二引作送詣曰致又引三致到也又與也徐鍇曰左傳叔孫如宋致女又齊使來致邱皆送致之也文六年左傳盡具其帑與其器用財賄親帥扞執事漢書文帝紀賜物及當粟鬻米者丞若尉致顏注致者送至也通鑑黃皓謂敵終不自致注云致詣也送也

和之行也從及惠聲

詩曰布政憂憂於求切

和之行也者通作優釋訓優優和也管子小匡篇人君唯優與不敏為不可注云優謂遠隨不斷陳啓源曰詩優哉游哉愼爾優游監本注疏作優案說文憂和之行也優游義亦近和豈後世以憂代惠因加彳旁於憂以相別繼又因優優形韻遂作優於優與詩曰布政憂憂者商頌長發文彼作敷政優優傳云優優和也成二年昭二十一年左傳引詩並作布政優優杜云優優和也

行兒從及惠聲

切烏代

從及恣聲者五經文字引作从  
先从心从及戴侗引唐本同

𠂔

行𠂔𠂔也從及闕讀若僕

皮卜切

行𠂔𠂔也者集韻𠂔行促迫也

讀若僕者所謂僕僕道途也

𠂔

𠂔也舞也樂有章從章從夊從及詩曰𠂔𠂔舞我

切

玉篇𠂔和悅之聲也通作坎詩宛邱坎其擊鼓傳云坎坎  
擊鼓聲風俗通聲音篇謹案漢書孝武皇帝賽南越禱祠太  
乙后土始用樂人侯調依琴作坎坎之樂言其坎坎應節奏  
也侯以姓冠軍曰或說空侯取其空中琴瑟皆空何獨坎侯  
郭斯論是也詩曰坎坎鼓我其文也

𠂔也者釋詁鬱陶𠂔喜也郭云禮記曰人喜則斯陶陶斯  
詠詠斯猶陶即𠂔也古今字耳釋詞坎坎塤塤喜也郭云  
皆鼓舞惟喜舞也者詩釋文引作舞曲也廣韻𠂔舞曲  
名樂有章者本書樂竟為一章從夊從及者當為各

各

說文解字義證

卷十五

三

漢石陽氏宋

皆發各聲相近 詩曰發發舞我者小雅伐木文彼作坎  
坎鼓我本書下引詩踴踴舞我舞賦雅美踴踴之舞

𠄎

切

𠄎蓋也象皮包覆𠄎下有兩臂而又在下讀若范

徐鍇曰漢制乘輿馬金交交在馬頭上如金華義出此  
作錢謝朓集映真錢於松楸續漢書輿服志金錢方鉞文選  
東京賦金錢鏤錫李善云蔡邕曰金鏤者馬冠也高廣各五  
寸上如玉華形在馬髦前 字又譌作𠄎後漢書馬融傳揚  
金𠄎而拖玉環注云𠄎音無犯反一音子公反音輿服志金  
𠄎而方鉞 又譌作𠄎獨斷金𠄎者馬冠也高廣各四寸如  
玉華形在馬髦前又云金𠄎形如緹亞飛輪以緹油廣八寸  
長注地左畫蒼龍右白虎繫軸頭今二千石亦然但無畫耳  
𠄎 中國之人也從又從頁從日曰兩手及兩足也 胡雅

中國之人也者書舜典蠻夷猾夏傳云夏華夏正義云夏  
訓大也中國有文章光華禮義之大定十年左傳云裔不  
謀夏夷不亂華是中國為華夏也康誥用肇造我區夏立  
政乃倅我有夏武成華夏蠻貊傳云冕服采章曰華大國

日夏腹案方言夏大也玉篇三千五百里為華夏也昭元年左傳遷實沈於大夏史記禹鑿龍門通大夏齊桓公西伐大夏即禹貢之太原昭元年按梁傳中國曰太原夷狄曰大鹵祝佗言成王封唐叔於夏虛緄以戎索是則大夏之名所以別於大鹵也詩周頌肆于時夏閔元年左傳諸夏親暱杜云諸夏中國也襄十三年傳以屬諸夏二十九年傳為之歌秦曰此之謂夏晉杜云秦本在西戎汧隴之西秦仲始有車馬禮樂去戎狄之音而有諸夏之聲故謂之夏晉秦策乘夏車稱夏王鮑注夏中國也通鑑阿伏至羅國人號曰候婁蜀勒夏言天子也注云夏言謂中華之言趙宦光曰夏州秦之上郡漢置朔方地鄰於夷故華夷對稱曰華夏因譯經者稱本國為漢為魏為秦為梁為隋為唐竝取一時之稱皆夏意也從頁者人首也秦呼民為蒼頭是也曰兩手者本書曰又手也及兩足也者

古文

夏

古文夏

夏

治稼夏夏進也從田人從夂詩曰夏夏良耜

初力切

治隊嬰嬰進也者釋訓嬰嬰相也郭云言嚴利舍人云嬰  
嬰相入地之兒從田人者五經文字從田從人從夨夨  
奇字入也本作夨夨從夨夨從人篆文皆作八詩曰嬰  
嬰良相者周頌良相文傳云嬰嬰猶測測也箋云農人測  
測以利善之相  
熾苗是南畝也

𠂔

斂足也誰鵲醜其飛也嬰從及兕聲

子紅切

斂足也者韻會引有鳥字五經文字嬰鳥斂足六書正  
嬰鳥斂足也玉篇嬰飛而斂足也徐鉉韻譜嬰飛斂足文  
字音義踡下云鳥鵲醜其飛掌踡在腹下也誰鵲醜其  
飛也嬰者釋鳥文彼作猱郭云疎翅上下釋文云猱字林  
作猱

𠂔

貪獸也一曰母猴似人從頁已止及其手足

奴刀切

貪獸也者或作猱尸子左執太行之猱石搏雕虎一曰  
母猴似人者本書猴變也或作猱廣雅猱獼猴也釋猱  
媛善援孫炎云猱母猴也管子形勢篇墜岸三仞人之所  
大難也而猱猱飲鳥詩角弓毋教猱升木傳云猱猱屬箋

云狻之性善登木陸機疏狻狻狻也楚人謂之沐猴樂記  
援雜子女注云援獼猴也釋文云依字亦作狻狻案字又  
作猼狻管子形勢解緣高出險猼狻之所長史記司馬相如  
傳其上則有赤猿猼狻正義曰猼狻柔猿類漢書司馬  
相如傳猼狻獲猼狻顏注猼狻今所謂戎皮為鞞鞞者也匡謬  
正俗或問曰今之戎獸皮可為鞞者古號何獸何以謂之  
戎答曰案許氏說文解字曰猼貪獸也李登聲類音人周  
反字或作狻詩云無教狻升木毛傳云狻屬也箋云狻之  
性善登木爾雅云狻狻善拔邪景純注曰便攀援也爾雅  
又云蒙頌狻狀郭注云即蒙貴也狀似雌而小紫黑色狻  
亦獼猴類耳案郭此說蓋蒙頌為獸狀似狻又上林賦云  
雌獼飛獼魼魼獼狻左思吳都賦云射狻挺劉逵注云狻  
似猴而長尾尋據諸說驗其形狀戎即狻也此字既有柔  
音俗語變訛謂之戎耳猶今之香葉謂之香戎今謂狻別  
造彼字蓋穿鑿不經於義無反通作猼西山經綸次之山  
有猼焉其狀如禺而長臂善投其名曰猼已止及其手  
足者江乘地記攝

首也神魑也如龍一足從夊象有角手人面之形渠追

千祥字書作夔从乞 魯語木石之怪曰夔 夔一足越人謂之山繅或作獯富湯有之人面猴身能言  
神魑也者廣韻魑下云夔魑罔象木石之怪也 馥案諸家  
皆以夔魑爲二物漢書揚雄傳指夔魑而扶猶在孟康曰  
木石之怪曰夔如龍有角人面魑耗鬼也文選東京賦殘  
夔魑薛綜注夔木石之怪如龍有角鱗甲光如日月見則  
其邑大旱說文曰魑耗鬼也 如龍者抱朴子夔山精或  
如鼓色赤一足或如人長九寸衣裘藏笠或如龍而五色  
鼓一足莊子秋水篇夔謂魃曰吾以一足跼蹐而行剗駒  
駢元根賦一足之夔韓非外儲說舊哀公問於孔子曰吾  
聞古者有夔一足其果信有一足乎孔子對曰不也夔非  
一足也夔者忿戾惡心人多不悅喜也雖然其所以得免  
於人害者以其信也人皆曰獨此一足矣夔非一足也一  
而足也呂氏春秋察傳篇魯哀公問於孔子曰樂正夔一  
足信乎孔子曰昔者舜欲以樂傳教於天下乃令重黎舉  
夔於草莽之中而進之舜以爲樂正重黎又欲益求人舜  
曰若夔者一而足矣故曰夔一足非一足也 馥案此二說  
不同皆寓指也 象有角手人面  
之形者類篇通志並引作角足

文十五 重一

𡗗

對卧也從又中相背凡𡗗之屬皆從𡗗

昌克切

字林舛錯也

風俗通有十反篇云比其舛曰十反

漢書

賈誼傳此臣所謂舛也楚元王傳朝臣舛午膠戾乖刺

有或作舛考工記玉人之事兩圭五寸

有鄭注云鄭謂之祗有即舛其本也

對卧也者集韻蠻夷卧以足相向曰舛王制雕題交趾注

云足相鄉然卧則舛從又中相背者廣雅舛借也華嚴

經音義舛相違背也玉篇淮南

𡗗

楊雄說舛從足春

莊子惠施書其道踳駁司馬彪注踳讀曰舛舛乖

也

魏都賦謀踳駁於王義孝經序踳駁尤甚

文撫切

𡗗

樂也用足相背從舛無聲

詩伐木踳踳舞我周禮樂師掌國學

之政以教國子小舞論語樂則韶舞又八佾舞於庭

說文解字義證

卷十五

罕

連筠移叢書



五年左傳夫舞所以節人音而行八風也  
子八人是始為歌舞呂氏存秋古樂篇陶唐氏之始陰多  
滯伏民氣鬱閼故作為舞以宣導之北  
堂書鈔引樂府雜詩昔有陰康始後民舞  
樂也者本書零夏祭樂於赤帝月令章句舞者樂之容也  
有俯仰張翁行綴長短之制用是相背者用當為剛徐  
錯通論曰舛兩足左右也兩足左右蹈厲之也

羽

古文舞從羽

從羽匹者本書零或作羽舞也呈樂舞以羽翟自翳其  
首以麗星辰也匹無聲同本書改從匹聲讀與撫同撫古  
文從

𠂔

車軸耑鍵也兩穿相背從舛𠂔省聲𠂔古文𠂔字

切

車軸耑鍵也者本書耑鍵也鍵車耑詩泉水載脂載耑釋  
文云耑車軸頭金也又車耑釋文云耑車軸頭鐵也續案

昭二十五年左傳昭子賦車轄五經文字轄羣二同茲胡  
夏反尸子文軒六駿題無四寸之率則車不行淮南人間  
訓夫車之所以能轉千里者以其要扛三寸之轄兩穿  
相背者穿受軸頭本書軹車輪小穿也 禹古文僕字者  
徐鍇本無此文案文當云從禹省衍瞽字為乃禹之古  
文本書誤在禹下五經文字云率從禹省亦無瞽字

文三 重二

𦰩

𦰩也楚謂之蓄秦謂之蓐蓐地連蓐象形從舛舛亦

聲凡𦰩之屬皆從𦰩

舒開切今律變作舛

楚謂之蓄者廣韻引作當本書蓄當也爾雅同秦謂之蓐者本書蓐一名蓐蓐當作𦰩

𦰩

古文𦰩

𦰩

蓐榮也從𦰩生聲讀若皇爾雅曰𦰩蓐也

戶光切

蓐榮也者玉篇𦰩木華榮也廣雅蓐莖茂也通作皇詩皇皇者華傳云皇皇猶煌煌生聲者趙宦光曰从生非

說文解字義證

卷十五

連筠錄叢書

是常从皇皇有艸盛義故从皇爾雅曰黽也者釋言文彼作皇華也馥案石經作華皇也釋文同郭注釋草引釋言華皇也

皇 黽或從艸皇

或從艸皇者本書艸艸之皇榮也小字本作皇榮

文二 重二

韋 相背也從舛口聲獸皮之韋可以束枉戾相韋背故

借以為皮韋凡韋之屬皆從韋

字非切

相背也者通作違本書韋從二臣相違堯典靜言庸違傳云行事而違背之論語不違如愚隱十一年左傳鄭息有違言漢書孔光傳猶違者連歲注云猶依違也依且違言兩可也口聲者五經文字口音剛馥案古文作○篆文變從口口回也詩大明厥德不回傳云回違也又常武徐方不回箋云回猶違也本書韓從韋取其而也獸皮

之韋云云者本書韋束也韋戾也弟韋束之次弟也字林  
韋柔皮也大學人之彥聖而達之俾不通鄭注達猶戾也  
又通作緯夏小正禮緯歐未傳云緯束也  
六書故云韋本韋北之書借為韋革之韋

# 韋古文韋

本書弟古

文從此

**韋** 韋也所以蔽前以韋下廣二尺上廣一尺其頸五寸

一命繼韋再命赤韋從韋畢聲

卑吉切

桓二年左傳袞冕韋也杜云韋韋韋以蔽膝也正義云韋韋  
制同而名異冕服謂之韋其他服謂之韠知冕服謂之韋者  
易云朱紱方來利用享祀知他服謂之韠者案士冠禮士服  
皮弁元端皆服韠是他服謂之韠韋之與韠祭服他服之異  
名耳其體制則同王藻韠君朱大夫素士爵韠國殺直天  
子直公侯前後方大夫前方後挫角士前後正環濟要畧  
韠以象裳色孔帖引唐  
郭知元韻韠胡服蔽膝

蔽也者本書市鞮也篆文作鞮所以蔽前者本書市下云上古衣蔽前而已市以象之釋名鞮蔽也所以蔽膝前也盧辯注大戴禮公冠篇古者出狩而食其肉衣其皮先以兩皮如鞮以蔽其前後及後世聖人易之以布帛猶存其蔽前示不忘古五經要義鞮者舜之所制也太古之時未有布帛人會禽獸肉而衣其皮但知蔽前未知蔽後至舜冕服既備故復制之通作畢荀子正論篇其艾畢注云畢與鞮同蔽也所以蔽前以韋者孔帖十二引無此二字韋注晉語云鞮韋蔽膝鄭注玉藻凡鞮以韋爲之下廣二尺上廣一尺其頸五寸一命緼鞮再命亦鞮者郊特牲文玉藻鞮下廣二尺上廣一尺長三尺其頸五寸肩革帶博二寸又云一命緼鞮幽衡再命赤鞮幽衡三命赤鞮蔥衡注云鞮之言蔽也又云鞮之言亦蔽也雜記鞮長三尺下廣二尺上廣一尺會去上五寸紕以爲鞮六寸不至下五寸純以素紕以五采士冠禮素鞮注云白韋鞮也長三尺上廣一尺下廣二尺其頸五寸肩革帶博三寸盧注大戴禮鞮其制上廣一尺下廣二尺長三尺其頸五寸肩博二寸

鞮

茅蒐染韋也一入曰鞮從韋木聲

莫佩切

玉篇有古  
文作𦵏

茅蒐染韋也者本書茅蒐茹慮可以染絳玉藻一命緇韋  
注云緇赤黃之閒色所謂𦵏也士冠禮爵弁服纁裳純衣  
緇帶𦵏鞞注云𦵏鞞緇韋也士緇韋而南衡台韋為之士  
染以茅蒐因以名焉今齊人名倩為𦵏鞞晉語卻至以𦵏  
韋之跗注韋注茅蒐今絳韋也急疾呼茅蒐成𦵏也詩  
彼洛矣𦵏鞞有頌傳云𦵏鞞者茅蒐染也茅蒐𦵏鞞也  
以代鞞也箋云𦵏鞞者茅蒐染也茅蒐𦵏鞞也𦵏鞞祭  
服之鞞台韋為之其服爵弁服紂衣纁裳也正義云𦵏  
鞞者衣服之名更者亦貌傳解言更之由以其用茅蒐之  
草染之其草色赤故也鄭駁異義云𦵏草名齊魯之閒言  
𦵏鞞臂如茅蒐字當作𦵏陳雷人謂之倩也一入曰𦵏  
者成十六年左傳有𦵏韋之跗注賈注一染曰𦵏韋注晉  
語引三君云一染曰𦵏詩瞻彼洛矣正義云案爾雅云一  
染謂之纁再染謂之纁二染謂之纁此曰𦵏鞞卽一人曰  
𦵏鞞是纁也末督者鄭注周禮𦵏師云鄭司農說以明  
堂位曰𦵏束夷之樂讀如味飲食之味杜子春讀𦵏為𦵏  
莖著之𦵏元謂讀如𦵏鞞之𦵏

𦣻

繫紐也從韋惠聲一曰盛虜頭繫也

切

繫紐也者六書故今以衣紐之世要為總或作韋玉篇韋  
囊組名一曰盛虜頭繫也者廣韻韋囊屬以盛賦頭集  
韻總盛  
減囊

𦣻

劔衣也從韋自聲

土刀切

劔衣也者漢官儀  
班劔以虎皮飾之

𦣻

射臂波也從韋韋聲

古侯切

射臂波也者李善注李陵答蘇武書引作臂衣也御覽三  
百五十引作射臂搭也本書搭縫指搭也一曰韋五經文  
字韋射臂搭玉篇韋搭也集韻韋搭也廣韻韋射臂  
臂搭也又云射波以皮波臂又云技縱弦張也本書鉞臂  
銳也管子戒篇桓公弋管仲隰明朝公望二子施弓脫鉞  
而迎之注云鉞所以扞弦禮內則右珣珣珣注云珣謂拾  
也言可以捍弦也大射儀司射適次袒波遂注云遂射韋  
也以朱韋為之著左臂所以遂弦也鄉射禮司射適堂西

祖波遂注云遂射鞬也以韋為之所以遂弦者也其非射  
時則謂之拾拾斂也所以蔽肩斂衣也周禮繕人掌王之  
用弓弩矢箠矰矰弋技拾注云詩云披拾拾既次詩家說或謂  
技謂引弦驅也拾謂鞬扞也元謂鞬扞著左臂裏以韋為  
之曲禮野外軍中無挾以纓拾矢可也注云拾謂射騶詩  
車攻波拾既伏傳云波鉤弦也拾遂也薛注東京賦波拾  
既次云拾鞬捍著左臂也韋注吳語云拾捍也三禮圖撻  
者臂捍以朱韋為之謂之撻者所以遂弦也楚詞天問馬  
珣則波封禪是射注云波射鞬也史記蘇秦傳  
革按吸芮索隱云謂以革為射波波射鞬也

**鞬**

射波也所以拘弦以象骨韋系著右巨指從韋葉聲

詩曰童子佩鞬

失涉切

射波也云云者吳語夫一人喜射百夫波拾韋注波鉤弦  
也上喪禮波用正王棘若釋棘組繫續極二鄭注波猶罔  
也挾弓以橫執弦詩云波拾既次正善也王棘與釋棘善  
理堅勇者皆可以為波極猶放弦也以舌指放弦令不挈  
也生者以朱韋為之而三外用續又二明不用也又設波  
麗手堅自飯持之設握乃連擊鄭注麗施也擊手後節中



也飯大掌指本也沒以韋為之藉有彌弣內端為紐外端有橫帶設之以紐橫大掌本也因其弣以橫帶貫紐結於弣之表也設握者以紮繫弣中指出手表與沒帶之餘連結之此謂右手也又鄭注鄉射禮云沒猶闕也以象骨為之著右大掌指以鈎弦闕體也又注周禮繕人云接狹矢時所以持弦飾也著右手巨指薛注東京賦云沒以象骨著右手巨指所以鈎弦也或作鞞說苑修文篇能射御者佩鞞詩曰童子佩鞞者衛風芄蘭文傳云鞞玃也能射御則帶鞞箋云鞞之言查所以弣查手指陳啓源曰案射禮右手指著沒以鈎弦也查指中指無名指著查以放弦沒用棘及骨及象為之亦名沒亦名接查用朱韋為之亦名極大射禮云朱極三是也三者中三指各一也極取其中於指查取其查於指也鞞之為沒為查禮皆無明文毛傳與許說相輔當得其真

鞞或從弓

廣韻彈射

沒張弓

鞞

弓衣也從韋蜀聲

之欲切

弓衣也者廣雅獨弓藏也月令章句獨弓衣也魏禮載龍旂  
孤獨注云弓衣曰獨既夕記有獨少儀屈獨執用注拉云  
獨弓衣也呂氏春秋仲春紀帶以弓獨注云獨弓韜也古  
文苑殷君碑韜韜竹賁注云獨弓韜也通作獨內則斂簪  
而獨之注云獨韜也

**韜**

弓衣也從韋長聲詩曰交韜二弓

丑亮切

弓衣也者詩采芣言韜其弓獨弓注云韜韜也又赴車不  
載紫韜注云韜弓衣家語子貢問篇韜其弓注云韜韜也  
新序車抽弓於韜字或作韜廣雅韜弓藏也又通作韜  
詩大叔于田抑韜弓忌傳云韜弓強弓正義云韜者盛弓  
之器也弓謂強弓而納之韜中謂藏之也闕宮二矛重弓  
傳云重弓重於韜中也釋文云韜弓衣也字或作韜同  
詩曰交韜二弓者秦風小戎文傳云  
韜弓室也交韜交二弓於韜中也

**韜**

履也從韋段聲

乎加切

履也者本書段足所履也足部  
字多與韋革通故躡或從革

說文解字義證

卷十五

韞

連筠後叢書

履後帖也

履後帖也從韋段聲

徒玩切

履後帖也者徐錯曰帖後跟也

韋

韋或從糸

急就篇履弓韋哀絨緞緹顏注緞履跟之帖也絨緞以絨為緞也

韋

足衣也從韋茂聲

望發切

史記張釋之傳王生老人曰吾韋解顧謂張廷尉為我結韋漢書外戚傳鄉晨傳綉韋或作韋漢書哀帝紀起下韋係解東觀漢記和帝召諸儒侍中賈逵黃香相難罷朝特頒賜履韋崔浩女儀近古婦人常以冬至日上履韋於舅姑韓非外儲說文王韋繫解因白結皇甫規與馬融書謹遣掾吏奉韋上韋一量帝王世紀武王韋系解五人御於前莫肯為王係韋又作機一切經音義三機古文韋足衣也釋名機末也韋脚木也班固集賢憲餉身所服機三具顧炎武曰古人之機大抵以皮為之春秋左氏傳注曰古者臣見君解韋既解機則露其邪幅而人得見之采芟之詩所以為諷吳賀邵生

常著機始從衣字 又作紱淮南說林訓鈞之縞也一端以爲冠一端以爲紱冠則戴致之紱則屢履之後漢書禮儀志

足衣也者李善注洛神賦引同急就篇鞞鞞印角謁鞞巾顏注鞞足衣也哀二十五年左傳鞞子鞞而登席釋文云鞞足衣也

**鞞** 鞞裏也從韋專聲 匹各切

鞞裏也者廣韻轉車覆鞞集韻轉韋裏車鞞

**韋** 革中辨謂之韋從韋𠂔聲 九萬切

革中辨謂之韋者釋器文上文云革中絕謂之辨玉篇引作革中絕謂之辨本書榮收韋也淮南道應訓營之猶廓革者也廓之大則大矣裂之道也

**韋** 收束也從韋樵聲讀若留 卽由切

收束也者漢書律歷志秋難也物難斂乃成就  
讀若酉者本書手部引詩百祿是捰詩作適

**難** 或從要

或從要者要亦收束廣雅要約也漢書高  
帝紀待諸侯至而定要束耳史記作約束

**捰** 或從秋手

或從秋手者本書手部有捰字米部難一日小廣雅捰小  
也方言捰細也斂物而細秦晉謂之捰鄉飲酒義秋之爲  
言愁也注云愁讀爲捰捰斂也月令孟秋之月命百官始  
收斂昭二十九年左傳金正曰捰收注云秋物摧捰而可  
收也三禮義宗秋之言捰捰縮之意楊慎曰宋人秋  
日書啓金難秩序玉字剪涼難與捰同禮記秋捰也

**井垣** 也從韋取其市也軌聲 胡安切

井垣也者史記索隱引作井橋通作韓集韻韓井欄承轆  
轤者唐宗聖觀記文始藥井韓曰木墜又通作幹增韻幹  
井欄徐鍇說樹字云周禮有井樹謂井之周幹也易井收  
勿幕釋文云收陸云井幹也莊子秋水篇吾樂與吾跳梁

乎井幹之上韓音漢書枚乘傳殫極之杭斷幹晉灼曰杭古頴字幹者  
井上四交之幹常爲汲者所契傷也顏注幹者交木井上  
以爲欄者也又注郊祀志云井幹者井上木欄也其形或  
四角或八角淮南子大構架與宮室雞棲井幹許注云皆  
屋構飾也史記秦始皇本紀幽母咸陽宮諫者輒殺於井  
幹闕下封禪書井幹樓度五十丈索隱云關中記宮北有  
井幹臺五十丈積木爲樓言築累萬木轉相交架如井幹  
諸本多作幹一本作韓太元法上九井無餘水直行匪窾  
匪谷終於愆注云幹以并井泄取有時故曰井餘鹽鐵論  
散不足篇今富者井幹增梁文選西都賦攀井餘而未半  
李善注幹音寒西京賦井幹疊而百增又云蒂倒茄於藻  
井薛綜注藻井當棟中交木方爲之如井餘也蕪城賦井  
幹烽檣之勤新唐書王鉷傳至以寶鑑爲井幹王觀國曰  
謝元暉詠銅爵臺詩總韓驅井幹幹字音寒井幹又謂之  
銀牀皆井欄也古詩後園鑿井銀作牀杜子美詩露井凍  
是也

文十六 重五

𨔵

本書從車溫也玉篇作車𨔵從其車部𨔵字云裏也論語𨔵匱而藏諸鄭注𨔵裏也

遺文一

𨔵

韋束之次弟也從古字之象凡弟之屬皆從弟

特計切

韋束之次弟也者五經文字弟從韋省象周而次弟之形本書敘次弟也釋名弟第也相次第而生也哀十六年左傳楚國第杜云用土之次第吳語孤敢不順從君命長弟許諾注云長先也弟後也韓策循功勞視次第漢書高帝紀賜大第室孟云有甲乙次第故曰第也後漢書張衡傳子長謀之爛然有第注云子長作史記粲然各有第序也

𨔵

古文弟從古文韋省ノ聲

此從ノ余制切不應舉首作ノノ房密切

𨔵

周人謂兄曰第從弟從眾

古魂切

周人謂兄曰鬻者或作昂釋親昂兄也郭云今江東人通言昂通作昆釋言昆後也郭云謂先後一切經音義三引作謂兄後也詩葛藟謂他人昆傳云昆兄也昭十六年左傳孔張君之昆孫杜云昆兄也賈誼書六術篇父有二子昆弟

文二 重一

干

從後至也象人兩脛從有致之者凡久之屬皆從及

讀若帶

陟修切

從後至也者本書趨下云趨趙久也象人兩脛後有致之者致當為庠庠擬止也本書各下云及者有行而止之不相聽也徐鍇曰象人足欲行從後躡之

𠄎

相遮要害也從又丰聲南陽新野有峯亭

乎蓋切

相遮要害也者或作柴廣韻柴山居以木柵又作柴莊子天地篇內支盈於柴柵王維輞川別墅有鹿柴

說文解字義證

卷十五

哭

連筠移叢書



𠂔

𠂔也從反半聲讀若縫

敷容切

悟也者通作逢倍史記天官書鬼哭若呼其人逢倍

𠂔

服也從反𠂔相承不敢竝也

下江切

服也者易豫彖制罰清而民服書舜典四罪而天下咸服通作降春秋莊八年師及齊師圍郕郕降於齊師

𠂔

秦以市買多得為𠂔從乃從反益至也口口詩曰我

乃酌彼金罍

古乎切

秦以市買多得為乃者買當為賣玉篇乃多債利也從乃從反益至也者通志引作從反從乃乃益至也六書故引云盈从此乃古文及字又引唐本益至也从乃益至也增韻引云秦以市買多得為乃論語曰求善賈而乃諸是本書有引論語之文今闕引詩上有闕文當是讀若二字詩作姑傳云姑且也玉篇婢苟且也

𠂔

跨步也從反反𠂔從此

苦瓦切

跨步也者廣韻年一步也徐鍇曰步謂步也反及是不致闊故反及為跨或作跲集韻跲踏行跨兒

### 文六

𠂔 從後灸之象人兩脰後有距也周禮曰久諸牆以觀

其橈凡久之屬皆從久

舉友切

從後灸之者久灸醫相近既夕禮無二醴酒藉用功布皆本析久之注云久當為灸灸謂以蓋案塞其口士喪禮幕用疏布久之注云久讀為灸謂以蓋塞其口也象人兩脰後有距也者距當作距周禮曰久諸牆以觀其橈者考工記廡人為廡器文彼云灸諸牆以眠其橈之均也注云灸猶柱也以柱兩牆之間輓而內之本末勝負可知也釋文云灸音教

### 文一

𣎵

磔也從舛在木上也凡桀之屬皆從桀

渠列切

詩雞棲十葉爾雅釋宮雞棲於弋爲  
櫟一切經音義九引弋作杙櫟作桀

櫟

率也從桀后啓

陟洛切

本書臬下云日至捕臬櫟之周禮掌戮掌斬殺賊諜而搏  
之注云搏當爲膊諸城上杜云膊櫟也信二十八左傳晉侯  
左傳殺而膊諸城上杜云膊櫟也信二十八左傳晉侯  
國曹門馬多从曹人尸諸城上杜云櫟晉人於城上荀  
子宥坐篇伍子胥不櫟姑蘇東門外乎注云櫟車裂也漢  
書云破傳櫟尸東市門通鑑陽球僞櫟王甫尸於夏城門  
士喪禮沒用正王棘注云世俗謂王棘砭鼠馥案史記李  
斯傳十公主砭死於杜索隱云砭音宅與櫟同古今字異  
體而殺之

率也者當爲姑本善姑枯也玉篇姑姑乾通作率說苑善  
說篇朽者揚其灰未朽者率其尸廣雅櫟開也玉篇櫟張  
也通俗文張申曰櫟通鑑呂義之怒須髮盡櫟注云櫟張  
開也釋天祭風曰櫟郭云今俗當大道中櫟狗云以止風  
此其象李巡云祭風以牲頭蹄及皮破之以祭故曰櫟孫  
炎云既祭披櫟其牲以風散之周禮大宗伯以鼐辜祭四

方百物注云故書醢為罷鄭司農云罷辜披磔牲以祭若  
今時磔狗祭以止風元謂醢醢牲胸也醢而磔之謂磔磔  
及蜡祭又小子儿沈辜侯驥飾其牲注鄭司農云辜謂磔  
牲以祭也又掌戮殺王之親者辜之注云辜之言枯也謂  
磔之案荀子正論篇斬斷枯磔注云韓子曰栗金之禁得  
而輒辜磔所辜磔甚眾而民竊金不止疑辜即枯也淮南  
時則訓九門磔禳注云裂牲謂之磔漢書景帝紀改磔曰  
棄市勿復磔應劭曰先此諸劾刑皆磔於市今改曰棄市  
自非妖逆不復磔也顏注磔謂張其尸也王尊傳取不孝  
子縣磔著樹使騎吏五人張弓射殺之地理志左馮翊雲  
陽有越巫縣鄭利孟  
康曰磔音辜磔之辜

乘

覆也從入桀桀黠也軍法曰乘

會陵切

宣十二年左傳楚人乘我喪師無日  
矣韓策公戰勝楚遂與公乘楚

覆也者釋言敗覆也中庸師者覆之莊十一年左傳覆而  
敗之曰取某師杜云覆謂威力兼備若羅網所掩覆一軍  
皆見禽制齊策覆其十萬之軍又云楚之法費軍殺將或  
曰覆者乘匹也齊民要術云驢覆馬馬覆驢皆生殺易屯

說文解字義證

卷十五

平

連筠移叢書

卦乘馬班如鄭注馬牝牡曰乘詩闕宮不震不騰傳云騰乘也正義云月令稱累牛騰馬騰是相乘之義故為乘也  
梁黠也者方言黠慧也仲長統戮性賦孰癡孰黠張衡  
西京賦黠界結梁即黠梁軍法曰乘者周禮稍人掌令  
郅乘之政令注云郅乘四邱為甸甸讀與維禹隄之隄  
同其訓曰乘由是改云疏云隄是軍陳故訓為乘由甸出  
車一乘可以為軍故改云乘不為甸也盧植注月令云角  
力如漢家乘之引闕闕謂之屬也王沈魏書有司奏四時  
講武於農墮漢承秦制三時不講唯十月都試車  
馬幸長永南門會五營士為人陣進退名曰乘

# 𠂔古文乘從几

從几者几當為口莫  
狄切本書口覆也

## 文三 重一